

沁香閣詩集

涵秋遺著 警眾校訂

茶陵譚澤闓題



上海震亞圖書局出版

上海图书馆藏书



A541 212 0015 2281B

沁香閣詩集 卷五

江都李涵秋遺著
壽州李警衆校訂

戊申年

蝴蝶

桃李成陰柳合圍。化爲蝴蝶不須歸。奈何纔抱花心睡。又向他家枝上飛。

憚楚卿以詩來復贈楚卿

懺除綺語已經年。草草春風二月天。一笑爲卿重破戒。却分花俸買詩箋。
妾家生小近姑蘇。回首鄉山夢有無。命是絮萍身是葉。女兒長合落江湖。
人海茫茫汝慣經。舞衫歌扇太伶仃。輸他畢竟依夫婿。莫更傷心怨小青。
藥爐茶灶冷相思。一任東風蝕鬢絲。偶對桃花想顏色。紅樓西畔立多時。
客懷消遣太無從。送盡年光旅邸中。陡覺滿園春意思。美人詩剪碧紗籠。

綺香館裏釀青春。玉軸牙籤好自珍。他日相逢莫相避。阿儂將汝當詩人。
一笑珠璣落紙初。低聲直欲問何如。新詩寄與卿收拾。才配人稱女校書。

謝韻梅女士題雙花記

往事如塵瞥。眼空更無消息落吳中。不平猶累癡兒女。爲遞新詩製碧筒。
鬆鬆髻子未盤鴉。似覺新涼浸袖紗。啞雨雌風人意寂。偶拋金釧理雙花。

韻梅辨琴又以書來。諄諄以執贄門下。爲請其意。可感賦此致謝。並乞一和。
何日人如玉。來停問字車。吐絨香在壁。立月影平花。餘事耽書史。新詩落齒牙。紅
樓何處是。縹緲漢陽霞。

白桃花詩分咏有序

大化迭運萬事遷。變獨風雅一道。所以搖蕩性情。抒寫物理。可以亘千古。
而不滅。蓋比興非干祿之具。金石無媚世之術。古人陳迹。日月代謝。吾徒

詠歌幽居靡悶詩未可遽廢而不作也今年春旅居岑寂風雨累日偶得
白桃花題用以求益當世素淚失豔寫春士之羈愁香雲忽貞懺美人之
往事藉茲體會感蕩心靈浹旬之間盈積累百佳篇什一意者能詩者未
嘗作而作者又未嘗經意也乎迢迢楚水渺渺湘雲是騷客之故居也流
風其庶幾未沫與抑聖天子在上而美人香草之感未可形諸筆墨也撫
樹婆娑斯詠斯嘆同人見余如屬余執筆然論人易工待已遂恕卽用摹
擬豈復卓絕亦引玉者不自知其爲磚而攻錯者或相諒其爲石而已

一曲歌殘燕子箋。媚香樓圯冷鞦韆。亭台春淺重重雪。溪塢風迴漠漠煙。才子文
章慚少作。美人懺悔到中年。眼前洗盡繁華態。消受輕寒薄暖天。
珍珠簾外月痕底。鷓鴣聲聲不住啼。到此冷銷神女夢。是誰豔說武陵溪。綠雲照
水堆成浪。紅雨前村濺作泥。獨倚峭寒抱瑤瑟。梁園燕子又雙棲。

春衫新試五銖輕。楚楚香雲畫裏行。黃月半鉤工渲染。紅樓一角更分明。示人香色原無味。謗汝輕狂覺不情。門巷重來太蕭瑟。淒淒芳草馬蹄平。年年浪說嫁東風。腮暈于今已不同。思婦淚光珠宛轉。女兒身影玉玲瓏。勘空色相參禪偈。銷盡春痕仗化工。扇底桃花翻舊譜。莫啼鶻血故王宮。

答鳳竹孫讀我編定綺香館十春詩戲效竹孫體

本是玉皇香案吏。而今來作女司書。欲栽桃李上粧閣。先種春風滿畫櫺。求才乃有媪宰相。持版願爲雌大夫。憶公當年筆則筆。北里志非東家儒。

郝烈婦詩

烈婦蕭姓揚州甘泉西鄉人。歸同邑郝煦春。郝設豆腐作於揚郡南門街。四月染疫垂死。父持之而泣。烈婦夜禱于庭。願以身代。禱畢。擁兒於懷。飽乳之。而後越牆出。死枯墮中。余聞其事。弔以詩。復徵當世題詠。裒然成冊。

上天降災。乃及兒夫。刀風吹兒襦。箭雨攢兒膚。兒夫死矣。兒何如。解一荒燈茅屋。寒

鷄臚臚。白髮老翁。背兒而哭。解二蕭蕭堂上親。呱呱祿中兒。父自哭兒兒垂危。母將

棄兒兒不知。視兒再三。妾心悲。解三解妾懷。喂兒乳。淚千行。更四鼓。黑風壁立有鬼

語。兒生五月。乃無母。兒母怨母兒命苦。解四口不曾誦詩書。不知胡以謂上疏。目不

曾覽史鑑。不知胡以謂殉難。妾代夫死。妾之心。汝神有靈。神其聽。汝神不聞。神德

腥。枯隍長夜春冥冥。解五烈婦死。夫果生。金石為開。天地驚。吁嗟視此烈婦誠。解六君

不見富貴人家兒。女子冰霜不到深閨裏。春花秋月常如此。墮裂總帷換羅綺。對

茲烈婦當愧死。解七婦姓蕭。甘泉人。歸其夫。名煦春。沒年二十有九。齡戊申四月之

中。旬。世業屑豆聲粼粼。哀哉適為吾鄉親。名氏不彰。防湮淪。吾為誌之。當貞珉。解八

雨中訪陳硯農

鎮日追尋過寓齋。分花拈韻騁詩才。無端更就驚人句。冒雨衝煙笑得來。

哭徐念慈

十日前頭接素書。商量事業到樵漁。前致余書云當夕陽西下躑躅馬路中覺此身如寄百感

似此片剗光陰不容虛度細觀彼輩未必盡有恆業而粟碌若是孤身閒步反若不繫之舟無所容之匏不亦為造物所笑耶想我公聞之或將以厭世相規也暇偶讀唐詩覺古人皆先我大澈大悟執筆欲效

為之又苦不相似語語解脫知其不祥然不謂如是之遠也傷心文字皆成讖。撒手幽明便異居。濁世本無天可問。

浮生覺比夢尤虛。申江樓上離筵酒。今歲孟春一晤君于滬上猶說重來訪故廬。

感事都應血淚斑。又論某事云人情狡狴反翻雨雲甲固非矣乙未嘗是也大抵人羣益多則傾軋排擁之風益盛而其手段亦如偵探家之不易捉摸弟歲僅三十餘涉世十年而

百念皆灰恐此種前途于文明發達實南轅而北其轍耳年來病骨已孱孱。又云胃病旬日一發如潮汐之不爽時中西藥俱服

能享此福者然則執筆以從役又何異操刀以自殺哉嫉人太甚寧為鬼。人世嫌多肯出山。廿載終憐遺蛻疾。十

年不為著書閒。君所譯著之書甚夥鯁生筆墨今成帙。更向誰人乞手刪。余有所撰著皆由君所發起之小說林印行

江草江花路幾重。故人灑淚悵秋風。便拋妻子心難死。君蘇人絮遠隔關河訃未通。

把劍俠腸終寂寞。修文幻想總朦朧。無端報紙傳君耗。猶祝相如字偶同。

大水江南釀巨災。萬家炊竈長青苔。百年不免老病死。一瞬如歌歸去來。但有孤魂縈墓木。莫傳時事到泉臺。書齋我亦蕭條甚。如此吟詩事可哀。

謝韻梅女士惠箋

玉人訝我疏緘札。遙贈瀛洲十匣箋。索看新詩人霞綺。自憐秃筆無雲煙。啓封一笑距躍百。夔錦十年珍重千。怕有秋江魚雁怨。頻將消息到君前。

大旱謠

晴風走樹聲沙沙。秋塘白泥枯無蝦。父老開門對愁嘆。東山紅日西山霞。乾荷擊刺脆柳舞。杳杳九閻帝無語。見龍在天非雲霓。吸我脂血作紅雨。巫尪鼻孔能爲災。千年野魅生莓苔。報道前村鎮相殺。涸池爭車車如雷。萬山熱渴煙成陣。彩雲暈月磨銅鏡。憶我江南媚素秋。釵鈿如水琴書潤。

中秋

却笑天無賴。今年不做秋。雨隨風織線。雲嚙月如鉤。酒骨寒于鐵。詩魂冷若囚。淚花彈未落。倚枕夢揚州。

賀門人李伯永新婚

去年曾贈陸郎詩。陸儀閣新婚
余亦贈五截今歲還吟却扇詞。忙煞先生一枝筆。春風循例寫關雎。

高秋吹入畫筵前。赤暑匆匆稅駕旋。涼月自圓花自好。滿城簫鼓嫁人天。大母精神海鶴姿。摩娑老眼看花枝。却孤梨棗扶床走。笑說當年抱汝時。畫眉妨了綉工夫。細數年華一笑初。郎十七齡卿十八。由來明月姊稱呼。論我姻親是伯兄。無端講席作先生。紅毡消受雙雙拜。長立公然看禮成。

金太守煦生過訪賦此却寄

槐軒失殘暑。拋書生幽情。雨苔滿車轍。白駒時一鳴。弟兄不相識。今夏偕煦生通譜為
昆季至是始一晤

握手心為傾。使君亦肉食。癯貌使我驚。夏口治繁劇。現署夏口廳事大官多送迎。簿書厚一尺。終夜繞案行。催租無良術。載酒勞春耕。琴堂絕鞭朴。落花時有聲。使君不為利。使君不為名。有人笑使君。醇然一書生。吁嗟安得千書生。使我天下民氣平。

漢陽鎮署赴飲却寄韻梅

萬馬盤營擁甲兵。牙旗開處見書生。堦墀軍色搖湘水。鞞鼓秋聲動漢城。黑帕健兒擎酒榼。蓬頭小婢說詩名。狂來我欲呼君問。枉說趨庭告禮成。韻梅是日以病未出見

九月既望金太守煦生以電信來報謂柚斧生日未能渡江一叙屬代補祝

戲以詩答之

寒風瘦江水。新雨肥修菊。匆匆馳素書。飛電天何速。開緘三十字。字字見情篤。上言歎良晤。下祝無量福。而我轉失笑。同城接鄰屋。登堂欠一揖。疏懶罪莫贖。蟹殼珊瑚紅魚鱗。翡翠綠欲來酌柚斧。酒甕松花熟。共醉不成歡。憶君癖心曲。

雨夜懷韻梅

濕雲過屋寒有聲。挑燈默坐生幽情。江水高作一尺橫。拖風雨來孤城。孤城之下君所住。詩思如山飛不去。熨貼芳心裁作詩。唇脂口馥無尋處。四壓紅簾怯嫩寒。遙知花燭未輕彈。欲將奇句鑿風雨。赤鯉馱書寄我看。

贈惲懺菴

能訪詩人應不俗。禿襟小帽入朱門。世無北海慚賓客。我喜南田有子孫。一代蛾眉銷俠骨。半奩蠹粉蝕吟魂。遙知風雨秋亭底。肯對寒花坐石根。

金煦生大兄惠來蟹一筐酒二瓶賦此奉謝

秋籬昨夜作霜花。一剪新寒惻帽紗。正是江南好時節。淡煙水淺蟹爬沙。桐花滿屋碧秋寒。劃斷金釵竹粉乾。多謝風流賢太守。敲門親爲送豬肝。右手持杯左手螯。公然一醉便醺陶。茫茫黑夜衙參急。知否青山笑爾曹。

來書云以勞于民
事不能共此一醉

知君獨立平生志。寫入丹青亦不羣。並贈小影一幅我嘆誤人是朋黨。清流此輩鎮紛紛。

畢司馬岐山輓歌

江夏有一老。死身不死名。身隨土壤化。名與風雷爭。問君胡能然。道在惟一誠。盛德各有述。嘉行已可旌。我更進狂言。欲使聞者驚。公乃市隱耳。非有冠蓋榮。犖犖爲其大。里人心胆傾。浩氣塞天地。衆望無公卿。方今重古道。青松忽不貞。泣淚滋土花。墓門鵙鷓鳴。長楸與大柏。鬱鬱巍佳城。令子曰鈞堂。述公之平生。乞我作輓歌。一再殊有情。鱖生釘匾文。何爲公重輕。闡幽與有責。落筆詩已成。愧彼賤丈夫。有詩媚簪纓。

出郭

出郭不二里。草蟲時一鳴。水花驕野色。風葉戰秋聲。淡日戀高塔。寒雲入暮城。歲

華今又晚。遙觸故鄉情。

歸途遇雨

小雨輕于粉。疏疏浣素衣。鳥爭寒樹集。人逐笨車歸。嚙瀨風潮惡。移燈笑語微。亂蛩涼不响。窗外豆花肥。

感懷

霜壓紅欄未可捫。鮫綃仔細認啼痕。本來太早憐婚嫁。難隔相思到夢魂。小蝶戀春梅。已破寒鴉。馱月柳初髡。書齋草草商歸計。楚水潺湲楚樹昏。

冬日偶成

空館流白日。朱門無真人。俊鷗矜巖曉。癡蠅寵小春。玉琴斷消息。寶劍沒風塵。七尺屏間鏡。翻令羞此身。

酬卞明府孟韜贈全唐詩四萬八千九百首兼以述懷

純臣卞開府。公子信陵君。遠犯風雨夜。親攜冰雪文。交誼見子面。詩城張吾軍。可憐冠蓋客。逐末正紛紛。

桑嘴發新蛹。山池種小魚。預商歸隱計。未患稻粱虛。硯墨潑成字。君作擘窠書絕佳勝囊錢罄買書。風塵多俗吏。君意欲何如。

輓金長芬世兄

長芬爲煦生。太守次子沒於海上。煦生以書來報語極悲感。當時匆匆慰唁。有膝有令子。終逾鄧攸。西河喪明。寧非賢者之語。因廣其意。用釋悲懷。我還非我有。此外盡微塵。大化偏多事。能爲未了因。縱橫償涕淚。解脫是冤親。枉說南無佛。蓮花不壞身。

一氣混茫裏。何曾有玉樓。文章原折福。性命亦成讎。怨魄索鄉梓。芳齡淺墓楸。何堪憑弔意。江水共悠悠。

答羅浙波

羅浙波錄其所著含邈陶孟搖蕩儲王論詩一章尤所心折遙知其人必
軼塵俗余冗于筆墨不常作韻語間作亦非復曩日之爛熳豈此境亦有
世故耶爲之悵然奉答二首亦與浙波論詩之意云爾

亡風不亡頌。昔已薄殷周。真士貴情性。織人工應酬。落花懷廨舍。春酒上公侯。縱
是纍成帙。終爲楮墨羞。

吾愛羅夫子。逸情高入雲。江山驅禿筆。花草老征裙。落紙作奇响。登壇亦勁軍。祇
愁人不肯。夜雨聽秋墳。

我亦嗜吟咏。詩成空自憐。紅窗膽小語。綠鬢紀流年。格律何曾細。清狂未是賢。倘
君一披覽。或者轉泠然。

感時

歲歲磨驢向天末。鬢絲白日共消磨。妻孥迢遞知心少。父老艱難望治多。苔暈小花。蛭壞壁。柳拋殘葉下官河。岩疆何事頽銅柱。慚愧當年馬伏波。

得家書知寶鸞誕五日忽殤

我聞生兒時。是時兒已故。來既自何方。去又歸何處。曇花祇一現。新葉忽辭樹。獨笑三日前。賀我詩爭賦。消息隔經旬。怨此迢迢路。

江口晚渡

船輕載人多。側側雙輪險。振衣去不顧。來就松花飊。登舟覺岸動。打槳知程遠。殘照墮林木。朔風做刀剪。鶴樓忽俯仰。石塔微明閃。長天一雁過。哀唳寒雲卷。江樹何年栽。江流何日淺。浪淘英雄盡。時清擊鼓斂。容我立中流。照水秋衫輒行近。石壁萬篙落雨點。空隙振繁响。榜人競牛喘。勞者復爲誰。霜嚴足尙跣。野火映村煙。漁網掛乾蘚。我樂雖及時。念此滋淚泣。歸來起寒更。酌酒烹春鱸。一醉擁孤衾。

夢想落蒼巖。

爲丁曉樹畫菊花

瑟瑟秋生十指中。一枝一葉總玲瓏。美人畢竟眞消受。淡月清霜料峭風。

于胡石菴座上見憚懺菴余素不識疏于酬答懺菴行後余始知之良復失

笑賦此奉謝

座有憚季子。狂夫竟不知。筵前失交臂。詩裏說相思。我自疏顏色。君胡吝語詞。相逢猶有日。請罪未應遲。

題徐錫侯玉照

徐楊曾經爲我懸。西窗剪燭夜如煙。傳神妙選丹青手。張緒風流似昔年。此腹便便不合宜。畫圖重認舊鬚眉。人間亦有崑侖俠劍胆。琴心付阿誰。

己酉年

二月二旬有九日偕日本岡幸七郎中久喜信周山由飲江小劍南及宦誨

之鳳竹孫蕭瑞齋寄傲生念陵諸君子宴於漢上之嘉賓樓卽席成二律

煙雨暝江路。狂奴殊未來。前一次之宴以風雨未赴劍花生暗壁。詩草滿春臺。千里結眞賞。半生

憐。羈才相逢應一笑。一笑一千杯。

屏鳳吾良覲。捉人登酒筵。江光浮檻窄。山影入杯圓。嘉會無賓主。狂吟勝管絃。瀛州在何處。渺渺郢門煙。

卽席又賦呈諸君子

酒腸睽睽吞白日。狂奴聽詩笑磔磔。登壇此亦大和魂。攘臂揜拳讓不得。歐風墨雨逼人驕。傑起黃人湖海遙。豈獨新詩三百首。排空壓斷楚江潮。

席中贈報界諸君子想有同感

吾舌吾所有。寧能媚公卿。豈惟遭世忌。兼欲負狂名。門戶落萬鍵。家山路幾程。斯

沁香閣詩集 卷五
人容不得慚愧爾東瀛。

卷五

二月九日送鏡安往通山歸而感賦却寄鏡安

鸚鵡窺人花眼媚。金爐煙漾愁心醉。燒盡紅筵燭幾條。畫屏昵語辜春睡。似說東風剪綠波。吳江前日唱驪歌。天涯未算銷魂地。楊柳青青更渡河。河南河北一千里。怪石荒山只如此。馱着詩魂上馬鞍。羅衫黯澹生塵滓。祇欠東郊百畝田。征途日日復年年。妾心長似機中錦。妾意還同水上船。天釀重陰寒瑟瑟。酒樓風勁起頭直。一尺春霖一尺泥。便教有夢應難覓。土牆腥溼孤燈青。村醪凍殺玻璃瓶。剗來馬草作裯褥。不辭牛壁爲雲屏。眼中事迹心中現。雙袖縱橫淚如霰。昨日思君上鶴樓。今日樓高望不見。江水隱隱江水流。江烟渚草生新愁。人生到此百不樂。我亦蒼茫成倦遊。

送鏡安弟之通山

汝自草茅士。何人肯贈行。未應慚別賦。却喜有詩兄。野杏紅過屋。垂楊青滿城。送君獨惆悵。空館冷清明。
異地重爲別。行行路更深。生成遊子命。磨盡少年心。冷燭淒村店。清歌出樹林。採茶天氣好。遣悶祇孤吟。

春日雜感

茶甌藥裹病心情。春鎖重簾雨未晴。一例炊煙都不起。銷魂何苦又清明。
才拋家去夢先歸。楚楚春衫減帶圍。猜是香閨風景換。櫻桃紅瘦荔枝肥。
玲瓏身影高于昔。一曲清歌一斛珠。穿過假山亭子去。更拋手帕打狸奴。
鯉魚未老燕飛來。抵死瑤函竟不回。猩血做心愁做骨。未應容易便成灰。

謝方瘦坡惠茗

方君瘦坡自皖江以函來並賸苦茗二匣函中有云願得黃金三百萬美

人名士盡交驩爰引伸其義贈之以詩

交友有妙訣。不貴深貴淺。深交生荆棘。淺交贈茗薜。

余與方君素未謀面

小葉隨煙抽。新芽和

露剪。烹泉持獨酌。門巷封秋蘚。作詩謝方君。詩成滋淚泣。相思政自佳。相見意轉
徧。兩腋生清風。一夢落蒼巘。

北風

北風吹地骨。赤暑潛無形。單袷滑于水。孤燈秋上屏。人情終鹿鹿。余髮欲星星。亦
有梧桐樹。淒涼未可聽。

七月二十八夕寓中演孟蘭會

天遣銀鐙鎖窻魄。香絲剪碎春無迹。露泣花啼雌鳳孤。月明秋老寒鴛瘠。腦滿腸
肥僧六七。夜深梵唱虛瑤席。棖觸音塵笑不成。三更燐燄風吹碧。

謝卞孟韜贈書扇

忽訝龍蛇入眼。角披髮大叫。翻酒杯驚定。側目始狂笑。卞侯贈我紈扇。親書來絹。素雖潔無隙地。惟見縱縱橫橫。皆松煤千金珍。簞亦何有我寶筆迹。如瓊瑰秋風入。手扇不把。但須懸之壁間。日視一萬回。

和包柚斧讀余說部感贈詩

萬物唯心造。窮居歲月賒。君詩足千古。吾言成一家。天地須彌芥。樓臺頃刻花。非非非想耳。大笑墨橫斜。

春雨

紅帷煙重燈如水。江濤捲入焦琴尾。未逢花事戒狂遊。擁衾靜聽良足喜。天末隱隱雷聲起。衆綠齊生螟特死。眼中蕭齋十餘步。心上春田一萬里。

閏二月十五日清明

往歲清明魂已斷。今年况值月圓時。庭前小雨圻蒲甲。道上野風搓柳枝。馬爲看

花驕不走人。因中酒坐成癡。遙憐兒女拋書卷。笑上鞦韆亂髻絲。

感懷

人世祇宜如此老。美人新恨旅人愁。半溪流。水攙紅淚。幾日春風吹白頭。門雀墮
枝驚宿雨。健牛鋤土繡煙疇。可憐醉眼模糊甚。一霎渾忘是鄂州。

春夜憶陳硯農

久繫徐生榻。空齋風雨深。如何一燈碧。長照別離心。山鬼窺人影。春蟲擾苦吟。南
樓三五夜。趁月誤追尋。

詩戰歌兼調子公

近來消閒錄中詩幟大張。再接再厲。此唱彼和。前于後唱。極一時之盛。鄙
人自知兵孤。懾伏一隅。未敢深入。乃愛吾者。忽推吾。登壇謔吾者。又仆之。
使下。致使議者。又重爲解紛之詞。平情之論。嗚呼。窮兵黷武。恐累歲不休。

矣戲為詩戰歌以紀其事

武昌愁雲壓城黑。武昌江水連天赤。中有殺星一千萬。日以鞭撻抓鎚長槍大戟

磨厲相惻惻。東伏一大股。西竄一小隊。神出鬼沒聞者畏。其將願為鶴而御願為

鵝。出奇制勝呼渡河。禍首曰誰金太守。倒拖棗戟施南走。是時煦生之施南府任萬弩如蝗匝

地來。爭試健兒好身手。飲酒一石血一斗。託地老包砍大斧。謂包捲入硝煙彈雨

中。百人要殺九十九。醉六居士謂于吉官罷戰歸。春肌自撫瘡痕肥。大軍迫之偶一出。

猶能披髮仗戰。喝聲道疾念念而有詞。鳳兮鳳兮故一鳳。如何愚公誨公名。姓交

相用。鳳憫庵氏鳳宦誨之字屏鳳漢臯壇玷張兩翼。憫庵主中西報誨之主公論報無論流寇巨梟私販小竊皆欲

倚之以為重。山後有水泊。山前有岩關。元惡巨凶殲不死。坐令橫行天地間。退則

鳴金進則鼓。懦者失色強者舞。鳴鏑一聲來戰書。將軍喝曰吾語汝。豎子碌碌何

足數。摘其心肝殲其股。君不見腐儒腐。有駁腐儒書吁嗟乎。今日之事。不止於四伐五

代六伐七伐乃止齊。不止於新鬼故鬼大鬼小鬼聲淒淒。其中亦有跛者眇者癱者腫者。隨人嘻笑隨人啼。癘兵駝瘦馬。小卒搖紅旗。相助一吶喊。厥聲如天雞。

遙遙犄角胡家軍。胡笳一聲旋不聞。謂胡玉梅停辦商務日報解散勁旅練鄉勇。將出趣報狐鳴篝火

重紛紛。石庵君。蘊山君。能以魂魄升妖氛。心禪君。碧痕君。牲畜劫掠村居焚。以上四君

皆胡氏狗頭軍師運籌在帷幄。大都是紅豆社主。黛影主人。劍影樓主。富春山民所

見所傳聞。雄風勁。雌風張。誰謂婦人在軍軍不揚。神通廣大。黎山姥。繡箔飄搖。嬌

嬾娘。靜雲作露布。陳靜雲女士尤工書韻梅矜洋裝。雙清閣集有易洋裝詩金山桴鼓。瑟瑟响。紅玉而後安

知非綺香。綺香館主揮楚卿漢上詩妓近更有馮家少婦。拔幟立漢幟。織雲為錦雲。為裳。馮織雲女士詩甚佳

小妹辨琴在何許。已斬蛟刺兇橫渡太平洋。辨琴女士留日本未歸太平洋。東扶桑。樓船矗立

森帆檣。闕吾陣勢。蹈吾隙。山田飲江。為吾國陸軍學堂教習岡七郎。岡幸七郎東文報館主筆輔車相依。若唇

齒。似宜玉帛。趣鏗鏘。如何同種。忽戕賊。可知虬髯碧眼。竊笑於其旁。萬行楊柳一

聲笛。此身不望玉關入。暮雪弓刀年復年。寒星刁斗夕更夕。葉公好龍不好真。葉

君廣廷君有涿秋騷壇牛耳語子公 有鳳兮牛耳語此詩戰所由始也。強付牛耳非其人。座中惱死蜜蜂子。子公姓密自號 叶

吟唔唔嘲且曠。遠向轅門外。遙豎畫戟枝。均子公 一箭兩家各無事。多謝多謝大

耳兒。古人謂不禽二毛。子公。子公汝年高。李將軍已怯一戰。願大開軍帳。冀除壇

席迎詩豪。詩豪詩豪且勿喜。真主一出羣盜死。我輩棄甲曳兵有處逃。朝廷革黨

斷不饒。子公前為山西知縣被議 看汝筆韉墨鎖猶跑。跑一作

三月十日與楊吉逢許季蕓彭任甫于吉宜聚飲爛醉自日中至晡咸醺然

不省余復與吉逢車馳至楚望台訪葉蘭陔太守捉蘭陔坐台下已則與

吉逢藉草地而臥狂歌拍天拔劍長嘯吉宜稍清醒亦躡踪至若季蕓任

甫殆病莫能興矣醉中得前詩六句醒後足成之當時在席諸公復能作

俊語乎苟一唱和亦紀念之章也

主賓如此值一醉。文酒相知能幾人。眼底青衫皆旅客。天涯綠樹况殘春。與君狂論君莫笑。惟吾大患吾有身。果是如泥應不惜。此眠先已葬香塵。

晚風吹月上新柳。蕎麥如雲閒作花。婦稚沿村觀酒客。倉皇敲戶誤人家。琅琅涕

淚知心熱。全醉則必痛哭歸時呼僕偶未及答乃吟曰漸與骨肉遠轉於僮僕親於是涕淚縱橫不復能止矣草草風塵入世差。可惜明朝更

清醒。强支病骨試春紗。

張季高觀察招視三江兩浙旅鄂學堂

越吳文物地。挺秀到荆蠻。大化循江漢。春風憶浙山。當階桃李秀。礙路棘榛刪。共此低徊意。朝廷養士艱。

爲織雲女士畫月季花

搓硃滴粉費工夫。持向花中辨得無。記取東風三月暮。漢宮春曉美人圖。

爲葉蘭陔畫菊

蘭陔眷一妓曰菊仙詩以調之

霜華小劫墮風塵。霧鬢雲鬟認未真。不識是仙還是菊。願君憐取畫中人。
爲羅麟閣太守題莫愁畫幀

少年我亦事丹青。吮毫吸取薔薇露。柳眼花鬢畫不成。况捧美人入縑素。湖光山色兩悠悠。君自江南作壯遊。偶憶珮環隔秋水。便拈金粉壓春鷗。一飢一容刻毫髮。不重胭脂重風骨。往事匆匆十五年。圖爲麟閣十五年前寓金陵時所作閒情未肯輕銷歇。展卷殷勤索我詩。詩成爲報莫愁知。風塵骯髒深慚悔。想煞湖心煙雨時。

答包柚斧

柚斧近作有涵秋善罵之句。知我者其柚斧與。雖然柚斧知我柚斧猶未。知今日之我也。蓋今日之我已決意不復罵矣。豈惟不罵且將不言柚斧。知我如何如何。

銀月耿秋夜。照人冰雪心。冰雪久不鏷。矛戟寒森森。大俠塵性命。纖人殉黃金。於我夫何有。心慕歸巢禽。有舌可嚼肉。有手可操琴。何必紙與筆。與世徒商參。螢火無遠影。蚓竅多細音。舉世貴耳目。長風號寒林。昨夕出北郭。萬塚相崎嶇。白骨不作土。誰非僉與壬。感此三嘆息。歸來空復斟。閒庭掩袖立。桂香飄衣襟。蟾蜍不得死。山膏有時瘖。

有懷韻梅賦此却寄

鬢眉閱盡不稱意。坐令把酒懷佳人。珠簾瑣闥塵不落。清光迸作心花春。親裁蕉葉繡錦字。小詩一幅青鱗鱗。欲往從之無羽翼。冰蟾輝輝隔城闔。立秋一月白龍死。蒼天咨雨如貞珉。飢蚊負隅蠅側眼。癘鬼大笑張朱斷。赤帝乘權各有序。奈何侵我秋三旬。忽憶小艇入溪水。晚來新炊薦鱸莼。長安人海誰識此。花前屢顧骯髒身。詩成在手欲相贈。不贈名下士。不贈朱門賓。飛緘贈汝亦。有因冰雪爲心玉。

爲齒願君爲我長吟呻。

戲酬王珊侯

王侯出語忽奇絕。乃比于我爲真龍。真龍不在天。真龍不在田。真龍蟠屈泥塗中。
爪牙驚鈍若朽木。鱗甲斑剝如青銅。不聞噓雲而嘯風。呶呶嚶嚶如秋蟲。騎背作
戲。赤脚婦攀角爲梯。蓬頭童萬人如海。競指點龍顏。不共秋霞紅。吾聞西人講格
致。夔絕十洲三島未聞龍有宮。吾又聞小說家言擬天子。五色雲捧龍當空。今日
四海號寧謐。吾寧爲虺爲蛇爲熊。爲蚊爲蛆爲蠖。再拜王侯勿相謔。其言雖
出非由衷。吾戴吾首豈不樂。勿以无首羣龍相推崇。吾願避王侯。而欲迎葉公。假
龍易識真不識。世人有目多無瞳。

詩

小時學詩重性靈。長大爲詩重辭旨。性靈生。辭旨死。性靈死。辭旨起。試聽隔壁老

翁話到明。不及孩嬰昵語爲可喜。能知此意能詩矣。

貴人行

貴人氣燄高于山。入門下馬恣心顏。揉花摘草不稱意。欲闖瑣闥窺雲鬢。主人吞聲哭不得。我怪主人會相識。亦有江鄉二頃田。車馬不來容高眠。貴人貴人勿軒舉。世間更有貴于汝。誠看殷勤座中姝。可憐宛轉懷中女。日生東。月沒西。一枯一菀誰能齊。他年待汝吞聲日。風雨還來伴夜啼。

再答柚斧

柚斧遠于詩。然偶入其中。便得妙悟。所謂夙慧非耶。收入法王座下。亦大獅子吼也。戲爲此歌。勿嗤謬妄。

爲客如爲僧。空堂寒欲冰。學學如學禪。須參最上乘。包郎幾時祝。萬髮奪吾衣。鉢傳吾燈。怒龍孽虎伏。肘底口吹花。雨中昇。有時芳草繡平野。有時枯石纏瘦藤。

有時寒夜泣。嫠婦有時霽。雪盤蒼鷹。詩來丐吾誦兩遍。吾已拳拳服胸膺。非是與
郎有癖好。門外野狐多憑陵。老僧不聞復不見。貶吾耳目吾安能。包郎勉矣得正
覺。待郎牟尼塔上之高層。

病血

書生胸臆惟塊壘。童童鬼豎何從來。欹床欲眠苦煩熱。忽驚衾底鳴春雷。衝腸破
腹血數斗。非爲盟歃登層台。非爲殺賊染黃埃。桃花濺雨胡爲哉。夜寒月死蘭燈
細。似說主人平生事。自謂朱顏可百年。銀璫玉珮多情思。灑灑春風金葉杯。琅琅
秋雨香絲字。火龍煎髓骨先白。雌鳳側身鬢猶翠。今日之果曩日因。一齊迸發爲
身累。一葉肝一寸心。能容腥血幾多深。不如化作胭脂顆。吹上江南紅豆林。

弔禰正平墓答布衣劍龕

秋日弄寒丸。隨鷗墮江浦。下有布衣人。胸臆盪千古。偷此半日閒。爲展一坏土。撫

心怨劉表。裂眚罵黃祖。蕭蕭天地深。霸才竟無主。君自雙淚落。我乃兩掌拊。豈有傲骨人。肯與公卿伍。彌衡氣太盛。展鬣觸網罟。當道有豺虎。落筆忽鸚鵡。輝光炫珠玉。文字膏刀斧。不見當今人。持文謁大府。一詩博升斗。一賦易簪組。上陳孺慕私。中叙吮舐苦。末言涕淚零。隆恩犬馬補。是豈非才人。羨者羣鼓舞。會須低頭拜。焉用戟指數。彌衡獨激烈。英氣颯祠宇。古樹雲與寒。勁草風敢俯。拂拭坐且歸。牢騷溢肝腑。黑月江濤聲。聲聲漁陽鼓。

馴鷄吟却贈劍龕鏡華慈舫聽猿諸君子

以諸君子惠書必欲一見也

金籠畜馴鷄。驚寒花間啼。世人誤鸞鳳。文采爭品題。不見故自貴。見且遭呵詆。持此謝愛者。稻梁秋滿畦。

九折溪腰曲。萬重山腹深。溪腰與山腹。不及故人心。昨夕金杯春酒綠。豪氣如刀

切涼玉。今日紫羅吹。上身橫刀。睽睽窺向人。秋宵耿寒月。秋腸耿寒鐵。感君纏綿意。剖臆向君說。人生相思不相見。意中宛轉春風面。人生相見不相知。矛戟森森出肝脾。向君說。爲君謝。近市小人居。迴轍君子駕。落花如繡媚簪裙。恐我故山猿鶴罵。

祈雨

夏秋愆雨澤。火雲燒樹枝。邑宰事祈禱。清風颯靈旗。諭民禁屠殺。官廚紛肉糜。豈不悟妄誕。聊將愚民欺。江水不上天。癡龍不出池。禾黍脆如薪。刈來備晨炊。夜夜見星月。老翁攢愁眉。猶記一春雨。庭隅漲清漪。暝想簷溜聲。心神爲之怡。陰陽相背戾。旱潦多參差。隆冬九十月。或反苦淋漓。邇時乞晴霽。更望神扶持。可憐邑宰身。年年晴雨疲。

楊吉逢觀察惠蟹

書生拙言詞。未能諛公卿。感激紛入骨。情重儀物輕。江碧露沙瀨。高秋飽香杭。清霜落樽俎。琥珀燈邊明。男兒貴得志。裹甲縱橫行。如何三十霜。秋風一無成。感此不忍食。呼僮懸高楹。月寒滿天水。長聽珠璣聲。

辭屏鳳酒召

古瓦走蒼鼠。落葉拂琴響。萬籟入秋心。冷然發清賞。園隅蕉竹深。負手自來往。但覺時物變。都忘歲月長。寒霜爛桃李。黃花大如掌。夜來西風尖。不殺酒腸痒。盛會羅羣英。沉寥名園敞。伊人皆冠玉。而我獨骯髒。裁合偶廝養。只足友魍魎。有江固却步。無江亦夢想。檢衿謝故人。深情足慨慷。窮巷地皮白。梳月已在幌。自諷茱萸詩。未敢事標榜。天青一雁高。人心多羅網。

秋日詠懷

江定天開鏡。風高樹脫衣。蟄盞歸夜甕。茅草緝秋扉。此境適情性。吾躬甘式微。故

人聞已貴。春厖馬毛肥。

與鏡安弟夜坐

可憐九月莫爲客。夜夜長空夢歸。偶佐清談。菊薄酒。久妨閒步。蠹秋衣。煙波浦。口鼻姬廟。風雨鄉心。燕子磯。自是山林窮骨相。竭來塵網計全非。

自嘲

不涵春意祇涵秋。當日題名已足愁。文字媚人同妾婦。昔鄭板橋謂以書畫供人賞鑒爲佳者。吾念板橋語。吾泣然不知涕之何從也。酒棋誤我不公侯。側身天地一紅眼。幾度星霜催白頭。但說尊

鱸風味好。江南曾未有歸舟。

家遠

少年讐笑語。香膠成水冰。月。斨。當。戶。虎。霜。殺。就。燈。蠅。家。遠。夢。無。味。天。寒。風。有。稜。狂。歌。誰。唱。和。凍。雨。隔。花。驢。

烏啼曲

百舌啁啾殊有情。畫眉惟傍綠窗鳴。笑爾解啼不解事。月白霜寒三兩聲。

讀輞川集

文人無行成常例。不媚公卿枉讀書。我訝右丞詩淡絕。疏林寒雨輞川居。

答客

淪茗焚香日幾回。壯心早向劫前灰。花明秋色驕詩筆。樹納濤筆韻酒杯。莫怪人情作雲雨。可憐天意蘊風雷。愛才自是公卿事。藻繪詞章近自媒。

燈下著廣陵潮說部有作

冰落銀床枕席空。筆花茶火夜深紅。虛庭簾織來蛸雨。古屋燈翻蝙蝠風。論事須超功罪外。對人常在醉醒中。世情參透從何說。畫鬼應憐畫太工。

雨中出城東門得十四韻

綠雲蒸細雨。黃葉暈香泥。欲往尋靈境。因之度石溪。疲癯花犢喘。啾唧竹禽啼。墓上鬼爭出。城中人不齊。兔烏何汲汲。馬車尙栖栖。大夢誰先覺。浮生擬隱棲。屋茅寒月爨。窗紙凍風撕。破甕裝鹽蛤。荒廚薦酒鷄。山嵐青鬱鬱。澗水碧淅淅。此樂不常得。吾躬終自迷。恩讐萌口舌。塊壘積胸臍。在狩傷麟也。當車感鳳兮。萬蘆揚子渡。亂柳秣陵西。他日笑歸去。新詩到處題。

求友

對客訴寸心。語盡如木偶。輸與便便人。寒暄常在口。便便亦可怒。便便亦可喜。不見青樓女。鶯簧滑人耳。吁嗟乎。古人求友求知己。今人求友求娼妓。莫更從人千萬彈。山高水深抱琴死。

晚登黃鶴樓

樓上人語不得靜。樓下櫓聲猶足懣。紅日乍沈煙未起。萬舟如葉汚秋江。

松

樵夫斤斧漫相摧。閱盡年光幾百回。豈有風雷能震撼。須知霜雪是栽培。四山涼月篩清影。滿眼春花化劫灰。獨我情懷漸枯寂。肯披篋笠一追陪。

閒遣

鎮日焚香閉闔居。秋光轉覺度階徐。經宵宿墨供饑鼠。隔歲殘花出亂書。稍淡利名全壽命。若逢山水便樵漁。綠楊城郭春如繡。早合商量結草廬。

借于醉六至約園訪彭任甫不遇臨流惆悵看菊而歸

風約高梧淨碧苔。壽橋環水水環臺。抱琴爲訪夫君至。此駕眞教俗士迴。鷗鳥匆。匆隨浪沒菊花細。細背人開幾時乞得園亭住。移送茶鐙藥臼來。醉六戲云約園風景絕勝當報吳公得一

安置狂
生涵秋

冬日戲題

瞳瞳午日照疏櫺。蓴菜風乾薺菜青。隔壁花狸渾不至。荒廚笑我絕魚腥。

陶步兵斷指歌

步兵曰勳臣鄂人以爭鄂路故斷指勵當事者竊壯之賦短歌蕭蕭易水亦變徵之聲也

此君若使之殺敵。必能對賊拋頭顱。夜偷大營渡江水。營規甚肅步兵以夜出怒潮熱血相鳴。拔刀斷指指墮落。我嫌一指徒區區。斷指願君斷十指。縛以長縶懸京都。一一遍指賣國奴。

秋晚野步

白扇秋衣却自矜。深齋容易索書燈。不辭鬼語供吟咏。遠避人羣謝愛憎。野照燒雲收馬帳。晚風吹水嚼魯曾。荒溪自是無舟楫。閒對蘆花冷做冰。

辨琴女士日本結婚禮成詩以賀之兼示韻梅

狂夫畜女若鸚鵡。雙足齧以金連環。萬珠壓髻作新婦。春時見花多羞顏。綠雲迸破鴛鴦鏡。却是同心不同命。窈窕天牢一萬年。銀蟾冷熨蛾眉病。西池水碧皆金仙。一枝一葉生青蓮。天風吹我過滄海。亂髮跣足神娟娟。女龍孤飛自愛惜。春愁不解腰支窄。郎君寂寞意殊衆。秋水瞳人忽然碧。錦江躍起紅鯉魚。嬌姊盪香衝素書。楚官蠻弦靜愁絕。鱗波妬煞雙芙蓉。紫駝之峯鳳皇髓。黃金蟬鬢珊瑚蕊。尋常嬌女已足喜。况是吾家雌桃李。

韻梅贈吾詩謂吾近作多半騷語賞其慧黠以二截酬之

狂歌不欲有知者。琴意難謾女伯牙。悔把春風種粧閣。一枝綵筆一枝花。却熱螺灰研翠黛。更拋眼鏡寫烏絲。年時漸屏香奩語。自是佳人愛小詩。

漢陽

漢陽煙樹古城堞。瞰江汀水涸懸魚網。風高啞鷓鈴。沙頭潮後白山眼。曉來青獨

客淒然立。湘蘭故故馨。

大風傷覆舟者

大風吼寒聲。先自入林木。青燈亂冷燄。復恐撼瓦屋。破廟赤丐凍已死。破舟行人墮。江水低泣長號天下聞。但見濤頭一千里。明朝風定江安貼。上流亂屍多于葉。天下不可徒手援。欲往從之無舟楫。

酬金煦生太守

官梅東閣放衙時。文采風流想見之。凍雀樓檐驚歲徧。霜鴻在野寄書遲。料量仙吏須清福。熨貼癡儂入小詩。煦生贈予詩極香豔畢竟多情詞絕豔。筆花春滿一枝枝。

賀柚斧納姬芙蓉

金爐不熨被池溫。蓮漏迢迢靜掩門。忽報故人新納寵。偶拋花勝蕩春魂。十五盈盈恰破瓜。未曾辜負好年華。春風記熟檀郎面。星眼纔拋便不差。

聞說曾經侍翠樓。莊姬柚斧女弟子為綴襄之婢掃花瀹茗幾春秋。酬師別有閒情思。臨去殷勤替上頭。

淡黃眉月浸粧台。滿滿芙蓉滿滿開。如是今宵慚大婦。酒筵親挾泰山來。是柚斧夕外真

招飲有柚斧羅公在座

從柚斧室中覩莊綴襄女士畫幀愛不釋手賦此却寄

雲羅水暈月規模。猜到芳心蘊智珠。烘破胭脂應一笑。前身原是此花無。

吳儂生小解丹青。余幼喜塗抹惟不工耳大葉粗枝污繡屏。便化蜻蜓飛上去。總嫌身影不娉婷。

婷。

太守風流工嗜酒。女士為莊秉衡太守之女公子夫人福慧解吟詩。女士之母夫人詩絕佳鍾山孕毓真靈秀。一

半遺傳到女兒。

冬月十四夕張繼高觀察招飲卽席賦答並用元韻

隔林喜鵲最先聞。此夕叨陪大雅羣。萍水交情都莫逆。梅花詩味許平分。酩酊人怨三更急。笑語公如百和熏。易服健兒沿道路。不知誰是杜司勳。

爲薩寄農大令題秦嶺訪勝圖

入野衍平曠。樹蔥花馥馥。白雲結茅亭。枯死猶所甘。况乃仗神力。纍此甜與谿。秀拔地突兀。平劃天蔚藍。洞深絕行迹。藤花春鬢鬢。塵土太嫵媚。臨崖形爲甜。矯矯者誰子。荷杖行趲趲。風雨助呼吸。蛇龍窺寢寢。勝遊未可忘。圖之資討探。有人笑汝拙。私語方誦誦。私語我亦聞。謂世多終南。

題周雲舫羅浮夢蝶仙館詩草

詩中無俗吏。吟苦薄書閒。綠樹燈邊雨。白雲江上山。萬言宜可試。一字要能慳。我讀羅浮集。心期與往還。

長至日玉梅招飲九華樓卽席賦贈並質筱癡

凍。雲。低。亘。蟄。龍。孤。滿。滿。春。聲。出。酒。壺。入。世。胆。肝。寒。劍。戟。愛。才。情。意。溢。江。湖。流。亡。人。
抱。無。家。痛。顛。預。誰。櫻。竊。國。誅。星。樣。紅。燈。花。樣。錦。畫。樓。要。障。北。風。圖。

沁香閣文集 卷六

江都李涵秋遺著
壽州李警衆校訂

月談

月。姊。月。姊。韻。花。無。一。月。不。晤。姊。終。無。一。念。及。姊。姊。姊。得。無。怨。韻。花。乎。然。受。姊。姊。青。顧。者。多。矣。姊。姊。何。必。獨。怨。韻。花。姊。姊。苟。怨。韻。花。是。韻。花。之。幸。也。非。所。敢。望。也。然。或。者。以。韻。花。曩。日。與。姊。姊。甚。親。遠。過。外。人。則。其。怨。也。亦。宜。雖。然。不。念。姊。姊。而。今。忽。念。則。是。韻。花。與。姊。姊。之。情。尙。餘。一。綫。也。則。恐。姊。姊。怨。不。得。不。以。辭。自。解。也。亦。宜。韻。花。一。寒。螢。之。光。耳。當。豆。棚。晚。熱。露。氣。漫。集。以。爲。可。以。終。古。也。遂。熠。熠。于。嬌。花。溼。葉。之。下。樂。而。忘。返。及。至。秋。飈。一。起。羅。扇。欲。捐。則。又。冀。姊。姊。見。憐。楚。楚。庭。下。韻。花。不。足。唾。也。姊。姊。殺。今。核。古。曠。然。胸。襟。倘。亦。俯。而。笑。乎。窺。姊。姊。意。似。亦。甚。望。韻。花。之。能。知。識。能。學。問。也。而。不。知。此。卽。與。姊。姊。見。疎。之。由。姊。姊。不。怨。韻。花。姊。姊。不。能。不。爲。韻。花。怨。

矣。姊姊不見當日韻花乎。上弦甫及翹首長天始見姊姊升羅幃矣。勻眉矣。開鏡矣。縮鉛黃矣。姊姊見韻花笑。姊亦笑。姊見韻花悲。姊亦悲。韻花幽怨之氣不能掬以示人者。無不以告姊姊。夜深淒冷。姊姊不忍韻花久坐也。戲作迷藏入雲裏。知韻花胆怯。又使涼風擢樹枝。簌簌作鬼叫。韻花恐乃辭姊姊去。至于次夕亦然。今則韻花性情日瘳。目不窺徑。姊姊亦時時入湘簾而旋。又避去姊姊之心。韻花豈不知之。無如誘韻花者。日以多而姊姊見韻花者。遂日以少耳。前日中秋之夕。韻花拾羅帶而盈盈拜者。其意固在姊姊耶。其不在姊姊耶。姊姊慧人。窺之深矣。萬死之責。韻花奚辭。近又見談天文家妄造蜚言。謂姊姊本無顏色。借日以爲顏色。運地毯一周而盈。歎隨之韻花又不能不爲之少動。月姊月姊韻花蠢材不勞眷戀。

李。子。韻。花。方。與。諸。女。子。作。葉。子。戲。時。有。涼。風。自。西。來。執。拂。小。鬟。笑。而。自。言。曰。噫。此。
 秋。聲。也。韻。花。心。少。動。又。曰。窗。眼。突。突。紙。條。兒。齊。鳴。哉。韻。花。心。又。少。動。未。已。風。忽。從。
 諸。女。袖。中。入。由。衣。底。出。腰。間。紅。絲。繚。飛。舞。作。彩。雀。羣。以。爲。歡。而。韻。花。則。一。縷。酸。味。
 直。達。腦。髓。癢。若。木。雞。彷彿。見。天。沈。如。墨。獨。坐。蕭。寺。地。白。生。皮。而。滿。樹。黃。葉。淅。瀝。如。
 人。嗚。咽。烏。鴉。驚。寒。又。啞。啞。作。悲。聲。幾。枝。殘。菊。欹。側。古。几。苦。茶。不。溫。佳。客。闌。寂。足。冷。
 盤。膝。坐。盤。又。不。慣。又。立。瘦。蝶。無。賴。猶。依。依。秋。草。間。捉。之。不。甚。避。蓋。冷。使。僵。也。憐。已。
 亦。憐。蝶。置。之。掌。呵。而。送。之。看。其。隔。牆。飛。去。又。不。知。蝶。此。後。作。何。結。局。對。鏡。痛。哭。一。
 幅。秋。香。羅。帕。淚。浸。透。鏤。之。欲。滴。眼。苦。紅。患。人。笑。強。作。喜。態。而。沈。痛。益。甚。當。是。時。也。
 不。可。有。此。風。尤。不。可。不。有。此。風。無。此。風。則。吾。哀。之。不。甚。而。吾。情。終。鬱。而。不。發。也。如。
 是。則。病。有。此。風。則。吾。哀。之。一。瀉。而。不。可。遏。腸。斷。而。氣。莫。能。續。也。如。是。則。亦。病。今。別。
 風。久。矣。非。無。風。也。吾。心。無。風。也。非。吾。心。無。風。也。吾。心。無。秋。風。也。吾。負。風。吾。並。負。心。

輾轉間有操吾手而推吾者曰汝瘋耶吾恍惚應之曰我風也凝目一視則紅燭復燃寶鴨香氣縷縷作歡喜字釧動珠顛談笑聲盈一堂欲再聆遠雁啞秋聲蕭然之况而不可得也而葉子戲一得采則手中散落如豆籩瑟作响猶彷彿當年木床支被夜坐聽雨時云

東張賡廷

人生際遇是有兩途。一曰窮極困阨。天將玉女于成也。故有道之士常以此自慰。而益刻勵。一曰肆作威福。後將一蹶不振也。而大奸慝之輩且不暇恤及身後。正人活八十歲。不至六十歲外。不得得意。而前六十年之茹苦飢辣。以之準折。而不足况乎終身淪落者。凶人活八十歲。雖至八十歲。異身首夷九族。而前八十年之安富尊榮。即被殄瘁。而不恨况乎猶有倖逃者。大約陰陽之氣不外理數理之所在。作善降祥。作不善降殃。是也。數之所在。讒人高張。賢士無名。是也太始造極。或

者。未。嘗。以。天。平。約。之。信。手。擲。去。以。至。數。多。而。理。少。數。重。而。理。輕。當。今。之。世。宜。捨。理。而。從。數。而。我。輩。尙。硜。硜。自。守。不。知。天。下。善。而。一。人。惡。天。不。因。一。人。而。稍。寬。罰。惡。之。典。天。下。惡。而。一。人。善。天。不。以。一。人。而。卽。變。賞。善。之。權。當。瞞。糠。眯。目。之。秋。膠。抱。道。自。高。之。見。是。猶。泰。山。一。毛。滄。海。一。漚。雖。曰。神。目。如。電。電。所。弗。及。燭。也。而。烏。得。咎。天。且。篤。信。好。學。如。我。足。下。是。亦。可。謂。庸。中。佼佼。者。矣。未。交。足。下。以。前。吾。不。知。足。下。境。遇。如。何。但。歷。年。來。見。足。下。坐。窮。牖。啜。藜。藿。事。親。孝。而。家。庭。不。能。無。故。處。世。朴。而。戚。友。不。能。無。嫌。足。下。之。文。掇。一。芹。有。餘。矣。而。再。試。再。蹶。嗚。呼。其。全。于。人。而。不。全。于。天。者。與。平。居。好。縱。論。抽。蕉。剝。繭。愈。玄。愈。妙。漳。之。辨。友。非。足。下。而。誰。唯。足。下。閱。歷。未。多。見。識。往。往。遁。而。入。僻。是。以。不。無。齟。齬。然。心。終。未。嘗。一。日。不。折。服。足。下。也。昨。晤。舍。弟。談。及。足。下。保。甲。薪。水。近。又。裁。撤。思。己。所。處。益。復。憐。君。風。味。相。同。措。語。乃。摯。第。念。目。前。時。勢。我。有。不。如。意。事。千。萬。勿。求。吐。白。逢。人。輒。告。當。面。婉。惜。背。面。談。笑。二。者。之。中。寧。

被談笑。惟一種。婉惜之聲。若嘲若諷。使人不能暫耐。欲哭不得。凡遇有人見詢。當以淡泊出之。除自家堂上及閨中人相關痛癢以外。空言慰藉。皆備極醜態者也。足下此後功名。既不可預必。而謀生日益拙。秋風蕭瑟。又要裝綿滿樹。寒聲漳與足下。祇消受得兩三竿修竹而已。漳嘗謂一人之身。不能載福。當必其親其妻其子女。均隸薄命司中。偶然聚會。以了此劫。是故骨可槁而志不可柔。腹可餓而氣不可折。不然。奔走于鱣買之門。逢迎于冠蓋之地。掇臀捧屁。撩鬣拂鬚。他如唆訟漁利。遇事生風。婚喪失禮。無與于我也。而詐財矣。爲謀必忠。人事之常也。而牟利矣。良心既死。辣手忽伸。我輩苟出其才力。聰明寧不能登若人之堂。而齊其截。無如一副窮骨。相生鐵鑄成朝。而病狂夕。卽作痞賡。廷賡廷其何以處我。而且自處抑又思之。古人有言曰。口腹累人是言也。驟觀之。了不介意。及按之身。世深中窳。要又歎古人何其見之遠也。漳不幸而仰食耳。三刻無米下肚。腹輾輾作蚯蚓鳴。

再。三。刻。不。食。饑。再。三。刻。不。食。死。七。尺。丈。夫。又。無。此。死。法。也。于。是。又。不。得。不。算。錢。貫。
米。假。令。不。需。食。閉。門。坐。門。外。千。奇。萬。怪。不。聞。亦。不。見。豈。復。仍。碌。碌。于。世。周。旋。深。山。
之。深。日。薄。風。號。譬。如。天。地。無。我。可。耳。田。無。片。土。家。無。一。椽。遂。使。李。應。漳。三。字。不。得。
不。在。人。耳。目。是。亦。古。今。之。一。大。憾。事。也。漳。生。平。無。所。短。長。惟。自。解。知。識。于。今。十。年。
不。能。懺。悔。好。色。二。字。淫。思。蕩。迹。當。已。鑄。入。泥。犁。所。以。功。名。雖。不。大。而。亦。不。必。無。身。
世。雖。不。佳。而。亦。不。過。逆。若。足。下。則。純。而。無。疵。矣。安。得。不。蹭。蹬。至。于。此。極。李。子。此。後。
若。愈。趨。愈。窮。窮。且。老。死。足。下。當。益。自。振。作。勉。爲。好。人。李。子。此。後。若。愈。行。愈。順。順。且。
無。既。足。下。其。亦。改。頭。換。面。稍。學。作。不。肖。乎。無。聊。之。極。熱。血。噴。薄。遂。不。覺。言。之。過。激。
漳。白。

寄許幼樵

漳頓首頓首。幼樵足下。冰雪凝沍。山水迢遞。豈意轉瞬。倏變時序。隴雁不來。心耿。

如。轆。偶。接。芳。芷。曠。若。發。朦。並。諗。河。魚。有。疾。乃。病。君。子。山。鳥。警。夢。是。增。鄉。思。青。萍。犀。
利。不。斬。閩。雲。之。猿。綠。鬢。委。謝。莫。釋。鏡。奩。之。淚。矍。眈。茹。歛。拱。悵。惘。忝。屬。知。識。無。任。
感。喟。然。而。呂。蒙。讀。書。刮。眼。于。三。日。靈。運。曠。遊。睥。睨。于。一。世。况。足。下。翰。雞。幼。辨。文。鼠。
早。識。風。物。資。其。供。覽。山。川。壯。其。懷。抱。方。茲。賤。子。豈。止。雲。泥。惟。盼。文。旌。歸。里。作。平。原。
十。日。之。飲。詩。床。共。話。助。劍。南。五。夜。之。興。清。風。入。懷。明。月。在。首。渺。渺。斯。約。江。水。爲。期。
漳。雖。曰。有。家。不。必。响。馮。鏞。之。缺。而。惟。士。無。田。常。抱。慙。顏。子。之。郭。每。一。念。至。六。翻。振。
刷。足。下。解。人。何。以。見。益。爰。是。因。穹。成。廢。積。恨。務。雅。日。抱。灌。園。之。具。從。事。老。農。之。學。
疊。花。成。障。編。竹。作。屋。近。又。徙。宅。依。城。習。郭。小。園。一。畝。瓦。舍。五。椽。半。以。鍤。土。半。以。貯。
書。搔。首。無。天。藏。拙。有。地。靳。我。繩。我。一。任。位。置。他。日。董。子。射。策。君。近。金。門。之。赫。杜。老。
能。詩。我。起。破。屋。之。歎。時。事。反。覆。未。可。逆。計。小。儒。伏。案。斯。禱。斯。祝。時。近。嚴。寒。朔。風。肅。
瑟。珍。重。加。餐。無。盡。悃。慚。臨。牋。躑。躑。乞。諒。歎。鄙。

上李黼廷師書時權湖北巴東縣篆

敬稟者。憶違道範。倏又經年。緣隔訓言。倍殷就日。雖哲匠或忘乎樵櫟。而鯁生每自怨。蒯菅渺渺。巫雲迢迢。楚水追塵。未及引領。徒勞伏惟。我夫子大人一行作吏。經濟原本。文章滿縣。栽花政治。出之風雅。鳴琴宰邑。懸鏡立人。受之者感。深祝之者神往矣。漳幼承雨露。定慚瓠大之材。長滯風雲。莫罄蓬飛之誦。勞勞鑽蠹。歲歲磨驢。一事無成。卅年浪擲。蓮花幕冷。才別皖江。松柏蔭多。又來鄂浙。蓋客腊石泉。夫子見招。應漳遂已。于正月抵省也。杜陵小鳥。只許依人。葉公真龍。敢期好士。所幸蒹葭倚託。忝爲同姓。懿親桃李。在門舊是。傳經弟子。感承盛意。聊慰鄉心。漳舍館未定之先。便思謁座。而夫子斗杓乍旋之日。業已鳴騶。葵向日而日不能留。影以待葵者。勢也。萍逐水而水不致迴。其波以就萍者。亦情也。風引仙舟。慨三山之愈送。熬知戴德。竟五岳之非輕。爰貢下忱。上塵鈞聽。此日遠窺巴峽。知弟子之徒。

悵。師。門。他。時。重。坐。春。風。如。嬰。兒。之。再。報。慈。母。肅。修。丹。稟。敬。叩。勛。安。

致武漢小報館主筆鳳悒庵書

悒。庵。足。下。長。晝。綿。夢。熱。風。流。雲。左。圖。右。書。想。見。清。瘁。僕。替。人。理。嫁。壓。線。魂。銷。魴。已。尾。勞。鷄。猶。肋。戀。花。寒。月。黑。無。與。爲。歡。顧。以。心。醉。鴻。文。聊。永。朝。夕。往。往。笑。啼。並。作。不。知。其。然。僕。與。足。下。雖。未。謀。面。而。神。交。者。固。已。久。矣。端。三。得。讀。謝。秀。林。傳。鑄。字。入。金。錯。文。成。采。粲。妙。華。于。舌。底。發。幽。情。于。紙。上。百。周。浣。誦。齒。頰。俱。芬。惟。是。中。有。微。嫌。幾。致。興。成。情。獄。爰。敷。衿。臆。懇。賜。垂。納。謝。秀。林。珠。胎。邗。水。花。墮。漢。濱。爲。吾。友。月。儂。氏。之。所。歡。卽。前。此。所。謂。黃。葉。村。人。者。也。僕。酒。場。歌。席。間。沐。餘。芳。而。春。絮。沾。泥。鍊。心。成。鐵。縱。使。目。中。有。妓。久。從。座。上。逃。禪。歷。史。既。所。未。諳。色。藝。更。難。泛。譽。桃。僵。李。代。游。戲。文。章。醋。海。酸。風。情。場。本。色。況。僕。看。花。眼。倦。坐。月。心。孤。浪。舞。穠。歌。久。非。所。好。忽。附。一。名。于。紙。尾。恐。騰。蜚。議。于。同。人。微。之。所。謂。不。可。不。使。知。吾。者。知。吾。則。以。爲。不。可。使。不。知。

吾者知尤不可使知吾者知也。卽請將此函刊入報端以代更正。嗚呼。惹疑香于襟袖。倒海難煎。鑄冤獄于文章。移山莫動。莫怪狂生饒舌。還祈君子解鈴。

寄何雅苓書

日月不淹。忽忽易序。緬想風采。定復光霽。自春徂秋。于今九月。旣阻罄歎。又闕簡札。悠悠舊侶。我勞如何。近奉明諭。科舉竟罷。學界風潮。日烈一日。吾鄉課館。重賴二三君子。維持大局。擬改師範。其中內容。有無成議。頗能使噉噉寒士。不至失所。否務祈風便。惠我數行。弟旅居鄂中。寂寥寡歡。春風蝴蝶。秋雨蝦蟆。茶灶藥爐。岑寂如鬼。撫事百慮。悵惘而已。近者寒風如潮。明月夜大。長宵耿耿。濁酒獨理。而菊旣不芳。蟹又絕少。塵容混混。對鏡失笑。足下瘦湖泛酌。綠槳打秋。亦頗念及。千里外憔悴故人。否朔風逼臆。急景凋年。相見不遠。努力自愛。時因北風佇候德音。

小滄桑志 自十六歲至二十五歲

人生苦樂。泡影倏散。回憶兒時。益復酸鼻。此古人所以有年譜之作也。然予今方壯。春秋未高。兼無大事。所以記憶。累此筆墨。誠屬何謂。第念生平性情。數歲一變。書之于冊。卽佛家所謂布薩法也。香溫飯飽。聊以自澄。繩我。斬我所不暇計。噫嘻。十六以前。人或知我。我不及自知矣。迨此而下。家道中落。大室而小。遷膏梁而蠶食。驟墮苦趣。悲感交迸。無以爲生計也。我于是有授讀之事。甫經出塾。旋又誨人。旣無威重。心實滋愧。東家翁咸曰。小先生。小先生。予遂以小先生自居。結線掬毬。三五爲戲。書不知何以教。其讀字不知何以教。其習也。童子狎其逸而溺其安。皆樂與先生游。歲入修脯。半資家食。半製衣履。穹極妖冶。堂上老人。素溺縱。弗忍責。有沈佩珍者。家之私親。而吾之曠友也。言無弗合。行無弗偕。絲竹迷離。風月涵養。寫其悲惋。也有詩。詩所弗能達者。則以哭繼之。蓋胸中幽怨之氣。忽忽其不知何自而生。何至而止者也。君子是以知非予家之福也。又明年境遇而齎。狂縱益甚。

甚至花鼓之班。燈火之會。以得儕其列爲榮。修長眉。濯皓齒。黝髮而香沐。偷作石黛粧。神摹而心志之舉。止皆媚。外人由是或以穢褻之語見汚。嗚呼。世人不知予而一女子。獨知之。我于是年中元之夕。而有江皋之遇。初予襁褓時。談姻于某氏。以幼弗果成。及其長也。又以貧弗果成。旣怨身世之不振。又痛年華之駛逝。積句成帙。鬱懷畢露。好事者私以貽媚。香媚香愛之爰出。非禮來援。琴之挑而予乃無心于某氏之姻矣。會合之奇。酬詠之樂。離別之慘。思慕之苦。載在媚香列傳。蝴蝶夢。珠玉姻緣。其他又散見于諸詞章。如桃花曲。陌上花。香國紀夢種種。茲不具贅。請略言其大者。十九年秋八月。赴童試。暴顯而還。予旣落拓不得志。而閩中又有迫歸信。相持而泣。目盡腫。天幸挽回。歸議中輟。益下帷讀。慰我玉人。由是吟風嘲月之興。稍稍就戢。經此一恐。求合愈亟。而佩珍又往。蘇無與計。議者顧影自望。益形單隻。歲旣告終。而新正又予之。二十誕辰也。時不再來。擲復可惜。同人咸餽貽。

相賀。余始訂交于周子鼎臣。情迹甚密。臭味相得。其投合若佩珍而文字道義實過之。是日也。開瓊筵。設盛酌。摘酒籌而爲賭。射覆諸戲。先是設八籌而各鐫以花名。以定坐次。主客不禮。以籌爲序焉。而余終以爲歎。又以周子新交。不可屈。方志忤及。籌脫諸手。鼎臣適得牡丹。牡丹王也。注首席。而予適得鳳仙。鳳仙婢也。注末席。諸友依次畢坐。皆極有佈置。同人相顧皆大樂。予尤眉飛色舞。喜極欲躍。蓋不待痛飲而已。不覺其神之旺而興之豪也。顧我生平此會極盛。何以三五年來。死者死。去者去。忽不覺其失聲欲哭也。悲夫。座中有高竹亭者。年小子。吾而視予爲兄者也。因飲。予處見予室。不甚廣。謀所以爲我讀書之地。街南有古都天寺。地僻而室靜。商之老僧。僧領焉。余是時乃僦居于外也。竹亭有志于讀。時親質予。予亦教之。予以獨居。益復寡歡。春風蝴蝶。秋雨蝦蟆。心與時寒。命隨境蹙。往往有悲。颺從西北來。披襟露坐。以病爲樂。酸臆一震。拳爪皆血。媚香戒予以書。繼以泣諫。

予固無恙。卿復何如。是年冬。媚香之母夫人奄忽大逝。而媚香瀕死者屢矣。而予以媚香諫。予者諫媚香。而媚香苟活。伶仃一身。孤苦無告。鄙人薄德。壯不成名。然方以明年春試爲慰也。春試捷矣。而賀者誰乎。差池三月。食恨百年。蓋二十一歲二月十五日也。我于是有河梁之役。媚香旣去。求婚者踵至。余思謀。故劍相傳。其字人又接。蜚語淒痛。欲死其言曰。李氏子昔貧。無與論婚者。今幸矣。若何患無妻子。其詞有若深憾于其母也者。一言在耳。刻鏤寸心。余固已矣。是何奇女子之多也。若竹亭之婦亦然。見竹亭有赴試志。慨質簪珥。從予南下。大願未遂。中道忽殂。我于是有痛故人之淚。文星未照。病魔旋侵。七月幾幾不起。我于是有懺悔之意。方其熱而病。病而憤也。惘惘然。懵懵然。臨河干而狂叫曰。舟來則諾。舟中則盡。蛛網滿焉。見有婦人若蛇者矣。若怪鳥者矣。若蛇者曰。而來前而吾子也。而與吾冤結三世不解。及自顧果人而孩也者。大駭弗顧。而狂奔其追與否。不知也。全息始

定有持刀者。刃吾頸。血如注。死死至。一官廨堂上。虛無人。見世所謂刀。其山劍。其樹者。則羅列甚森。毛竦而舌噤。又裸。自分墮落。忽有呼聲起。後庭命送予至室。後亭上。則見持燈籠而挽吾者。老人也。始惶急。着衣去。果至一處。中設數案。案各置一硯。獨予硯墨水溢于外。亦不自解。少頃。又見前老人促予歸。跋涉十餘里。足趾皆破。恍惚入門。門闢。入堂堂闢。入閨闈。闈又有一棺。心甚訝。以爲死。我固在也。以爲在。而棺內。又何人。輾轉問。啓目視。則合家環榻涕泣焉。歷歷告予。諸狀。時而作喘急聲。時而蹉伏。時而泣。時而跪。時而大呼。余亦備述。今夜所遇。相與悲喜。相戒勿語。人恐弗祥。而予岳家探視者。則踵相至也。仲夏訂婚。薛氏仲秋遂大疾。人多歸咎于女。而予辨其誣。而予亦漸瘳。閱一載。歲試冠軍。得補廩膳生。而曩時之咎女者。咸賀女吉凶無常。毀譽無定。可笑也。女家迫予娶。予以補廩事。多拮据。謝焉。竹亭旣死。而所居之寺。老僧淡于禮。余又僦居西偏之會館。其景較幽勝。栽花

竹甚夥。且下榻于是。以婚期近。思擇居。會有賡廷張君來。張君有空宅。余亦常至其地。南抱康山。北臨大河。四顧蕭然。心清而志適。我于是又有遷居之役。是蓋光緒之二十有三年。余春秋已二十四矣。風月情懷。久經消歇。而蜚言惡語。時時適至。六月贅入薛。七月有金陵之行。戰弗利。今年又廢成法。改新章。當世多故。予猶碌碌無所短長。是則予之愧也。後日方長。余其勉之。余將濡墨以俟予之所行。

功課章程序兼示諸生

蓋聞蕭蕭破壁。稚圭讀書之燈。慘慘樵蘇。翁子道謳之日。境途愈苦。學味愈甘。以古方今。芬響一致。漳世爲商賈家。少文章。除四書與六經。乏蘭臺與石室。所幸者會心不遠。洩勃皆藥籠之資。相喻于微雲水。亦淪靈之祕。東塗西抹。博采兼收。沈麟士藉助手。披陶淵明。但觀大略。未免上見斥于文怪。下騰笑于儒臬矣。今夫崔巍者山。不躋其巔。不知其高也。淵浩者學。不登其堂。不躋其載也。矧我國家振興

文氣汲引賢豪。雖制藝代聖賢言而不足。燭千古之得失。則治鑑罔焉。知詩書爲致用具而不旁及九洲之利弊。則體段疏焉。始則開海禁以通財源。終則因通商而貽國禍。絕口不談洋務者。不知咎既往而祇責來。今是謂識偏竭力而改舊章者。祇解逐小末而忘端大本。是謂氣疎揆之機勢。合住山林共載生成。誰鳩宗社而况艱難衣食家無負郭之田。拮据餘生半託豐年之硯。有用吾者及鋒而試不用吾者。善刀而藏。朝朝運甓中原多難之秋。聲聲渡河沙漠痛心之會。爰是埋頭典籍。放眼煙寰。剛日讀經。柔日讀史。三更叫月。五更叫風。凡爾諸生均宜同志。執經問難。既有師資。敬業樂羣。廣集友益。學無鉅細。筆之于書。道有見聞。指之于帶。旣通今而博古。兼酌古以準今。較曩日之工程。實于今而爲烈。吾年少長環橐斯文。汝屬後生。撫拾諸說。顏氏子或致助。長卜商氏可與言。詩古人有言曰。荷旃被毳者。難與道純綿之麗。密蠶梨哈臭者。不足與論太牢之滋味。吾與諸生其蹟而

探焉。試紬繹其旨焉。可也。既訂課章爰成小引。

動則變論

流水在地有渦則漩。白雲在天遇風則蕩。其可與人以捉摸者。其卽不致示人以
恂恍者乎。故陰陽相盪而六合大寒暑代謝而四時成。無其氣軸不致動。無其光
輝不致變也。吾蓋推闡至誠而又得動變之旨矣。今天下非極動者乎。極變者乎。
動在政府而法制變。動在學校而文章變。動在兵制而炮火變。動在鄰交而習俗
變。可以動可以不動。動傷本可以變可以不變。變傷時。五帝變爲三王。三王變爲
五霸。揖讓變爲傳子。傳子變爲征誅。華變爲夷。夷變爲夏。有是動卽不能無是變。
有是變而愈不能無是動。祖宗之法一變誤于弱而不得不變。再誤于貧而又不得
不變。制事之臣始失于庸而不得不變。終失于貪而又不得不變。變而善者雖
不動亦變。變而不善者雖變亦不動。故曰可以動可以不動。動傷本可以變可以

不。變。變。傷。時。也。請。爲。之。告。曰。禮。曰。其。動。也。中。易。曰。變。動。不。居。其。庶。幾。聖。人。至。誠。之。變。則。動。也。與。

涵秋字說

秋。士。能。悲。悲。固。有。能。有。不。能。乎。若。悲。則。予。之。所。能。也。然。而。幽。鬱。之。氣。激。者。傷。矣。因。銘。涵。以。自。警。他。日。所。造。其。卽。在。白。鷗。紅。蓼。之。鄉。乎。愛。余。曰。或。曰。漢。秋。或。曰。延。秋。質。之。秋。風。秋。風。不。言。 (當時有欲易吾字者爲上云云作字說以告之)

有心爲善雖善不賞無心爲惡雖惡不罰辨

讀。蒲。留。仙。志。異。有。曰。有。心。爲。善。雖。善。不。賞。無。心。爲。惡。雖。惡。不。罰。言。者。鑿。鑿。聽。者。津。津。以。爲。得。神。道。設。教。之。旨。吁。是。殆。因。果。說。法。之。濫。觴。而。國。家。旌。別。之。大。蠹。也。朝。廷。設。賞。罰。二。格。若。曰。善。者。吾。與。之。以。美。名。人。雖。至。愚。未。有。不。慕。美。名。者。是。故。修。身。砥。行。其。心。唯。知。有。善。如。將。弗。及。焉。惡。者。吾。與。之。以。嚴。法。人。雖。至。頑。未。有。不。畏。嚴。法。者。

是故洗心革面。其心偶蹈于惡。無任悚懼焉。無論其何以善。無不賞之。善無論其何以惡。無不罰之。惡也。今有人姦盜邪僻。無所不至。日殺千百人。而及其殺一犬。則犬黠而速奔。追之弗及。握刃遄返。猶憤憤以不果殺爲恨。然而犬固已超脫生路矣。有司曰。是無心爲善而獲善也。將以是善而概赦前罪于不問耶。抑將權其輕重而許其准折耶。有心爲善不賞。無心爲善。烏得而不賞。是直明告修身砥行者之爲之無益也。是終身爲善。曾不若終身爲惡之偶獲一善之幸也。善者縱不計及于賞。而吾之所設以賞人者。又將奚待。死于盜賊。死于鬥毆。均之死也。而無不償。而獨不幸。死于盜賊之不必戮我。而我觸其鋒刃。死于鬥毆之不必斃我。而我中其拳脚。斷斯獄者。且將科以盜賊鬥毆之罪。而盜賊鬥毆者。反得以無心而逃于法。彼死者何以甘焉。而我又何以對死者。然此猶曰。彼猶有心于盜賊鬥毆也。若夫治一邑之民。制三軍之命。文書偶一不檢。則百口離離。咨調偶一不當。則

萬骨飛暴官無害民之念將無覆軍之心然而民與軍因已深受其害而無告以心爲賞罰則不至各昧其心不止爲政者不留意于公者大者易爲者而積僞于私者細者難行者以爲言深則道敝矣以爲義輿則害隨之陰陽一致不可行于昭昭又安獨行于冥冥者談浮屠者曰有孽鏡以鑑人心也有簿牘以書人心也又誰見之而誰告之者地獄之說儒者不言而蒲留仙言之鑿鑿胡爲者

送陳君鈇侯改官大梁序

鈇侯聽鼓于鄂垣者二十有四月鬱鬱不得志決意于今年秋改官大梁嗚呼鈇侯誤矣鈇侯者非巧于仕者雖改官猶露其不豫之色離筵之酒時復唏噓與吾扼腕論天下事似鈇侯非其誤也則吾之贈別而爲是言宜也悲夫鈇侯今之時何時耶吾欲想望于黃農虞夏以牧牛洗馬之高風責之當世賢者則吾爲迂闊而不切于世情然苟託之笑罵謂今之官吏必皆袖金立馬厩間薰澤糞穢則世

未。必。無。自。好。者。吾。亦。不。宜。過。于。輕。相。天。下。士。也。然。則。吾。將。何。以。處。缺。侯。耶。缺。侯。遂。于。學。又。英。年。有。進。取。志。平。居。抱。經。濟。睥。睨。天。下。有。不。可。一。世。之。概。而。今。殆。消。磨。盡。矣。蓋。旅。邸。之。殘。羹。官。場。之。冷。眼。其。足。以。短。英。雄。之。氣。明。明。有。如。是。也。吾。曩。嘗。笑。謂。缺。侯。謂。缺。侯。早。得。志。則。或。有。益。于。人。缺。侯。遲。得。志。則。儘。有。益。于。身。苟。日。復。一。日。終。不。得。志。或。老。而。然。後。得。志。焉。則。朝。廷。多。一。無。謂。之。官。閭。閻。徒。贈。一。食。民。之。蠹。吾。竊。願。缺。侯。終。窮。窮。而。且。至。于。死。也。夫。缺。侯。吾。所。知。者。也。其。爲。吾。所。不。知。者。何。限。宜。天。下。事。之。不。復。可。爲。也。缺。侯。豈。不。知。舉。世。沿。沿。其。去。而。之。大。梁。者。寧。敢。逆。料。大。梁。之。長。吏。必。皆。可。以。援。手。耶。卽。援。手。矣。缺。侯。今。猶。敢。拔。刀。仰。天。慷。慨。時。事。舉。胸。臆。間。憤。懣。不。平。之。氣。一。一。洩。之。于。所。行。之。政。足。以。福。吾。蒼。生。也。耶。吾。默。審。缺。侯。汲。汲。改。官。之。心。其。終。不。敢。許。缺。侯。焉。已。缺。侯。之。官。特。一。縣。令。耳。假。樂。其。前。呼。而。後。擁。聲。呼。曙。而。勢。煊。赫。則。木。偶。優。爲。之。無。俟。缺。侯。也。如。謂。不。爲。五。斗。米。折。腰。得。志。則。行。其。道。不。

得志則獨善其身。則江漢湯湯。楚山茫茫。何嘗不可以息肩。胡爲乎淇水之上也。且吾猶爲缺侯惜者。方今海水橫飛。民族不振。其秀者則陰賊險狠。魚肉其鄉里。翹然自詡爲一世之豪傑。民之蠢者則息耕作而外。更不復知有天地禍變之來。延頸就戮。如屠鹿豕。所賴如缺侯者。數輩苦音焦思奔走。叫號起餒魂而喚酣。夢爲鐸之舌。與爲鐘之莖。與此皆非印纍纍而綬若若者所肯爲之事也。缺侯其奈何不恤吾民而就此不就彼也。噫在上者。既不顧吾民之窮。而一二年英俊之士。又茶然以仕爲樂。不憚僕僕于道路焉。信乎吾民之命之衰矣。缺侯未得所藉。手不能逆料其不足于吾民。時方壯年。又不宜長此寂寂。移文之作。招隱之篇。今日皆不宜施之于缺侯。雖然缺侯苟不得志于鄂。復不得志于大梁。吾無言矣。苟其得志。缺侯寧能沁沁。覩覩。舐貴人之痔。而持執政之鬚耶。寧致搖頭。眈目。匍地。作八風之舞耶。寧致藏身籬間。學爲狗吠耶。非惟缺侯自信其不能。吾亦不許。

缺。侯。能。也。是。則。缺。侯。者。他。日。必。遭。長。官。之。呵。叱。而。爲。同。僚。所。排。擠。皆。意。中。事。也。嗚。呼。缺。侯。已。矣。缺。侯。自。茲。以。往。其。速。潔。汝。之。面。以。儲。唾。枵。汝。之。腹。以。儲。憤。平。汝。之。氣。以。儲。幽。鬱。當。是。時。也。酒。酣。拔。劍。悲。呼。向。天。倘。復。回。憶。故。人。風。雨。一。燈。抵。掌。狂。論。刺。刺。罵。世。不。置。更。柝。旣。息。猶。不。肯。去。缺。侯。母。亦。有。事。過。情。遷。愴。然。雪。涕。而。感。懷。身。世。者。哉。缺。侯。今。勉。行。矣。宋。衛。陳。蔡。問。是。仲。尼。兩。馬。一。車。栖。皇。之。所。也。子。子。干。旌。子。子。干。旆。是。邦。多。好。賢。之。君。子。缺。侯。其。俟。之。秋。雲。拍。空。江。水。壁。立。驪。歌。一。唱。黯。然。銷。魂。其。哀。心。感。者。其。聲。噍。以。殺。不。自。知。其。意。之。過。也。

胡少拙紀念詩序

或有問于余者曰。中國之報紙。爲有益乎。爲無益乎。余敢毅然答曰。無益也。或曰。報紙者。所以改良風俗。監督政府。提倡民氣。無貴無賤。莫不寶視之。子乃犯不韙。排衆議。而詆爲無益。得毋有說乎。余乃愁然不樂。喟然而嘆曰。有是哉。子之善問。

也。子亦知夫士乎。膺科名。擧好爵。赫赫然。達而在上。其所謂出其經濟以福吾民者。亦既如是矣。其未達者。知文字之不可以療飢寒也。爰鳩貲財以權子母。躊躇却顧。其足以營什一之利。而又能不負所學者。則報紙近是其能。指陳利害得失。不爲勢屈者。上也。平正通達。無好無惡者。次也。肆簧鼓之論說紀閭巷之瑣屑識者。慚汗輿人。騰笑風斯下矣。况乎一省之中。不止一二報紙。報紙之成。不止一二手筆。良莠雜進。遂難保無卑污齷齪之流。廁身其間。悲夫。悲夫。士不得志。賣文以苟活。歟。然自命爲盡我之天職。已足以羞矣。而不肖者。反竊其名。以自重。沾沾然。惟恐人弗知也。者。見他人之名。高于我。我不惜。詭易其名。以附會之。或竟從而盜之。又或徧執途人。無論識與不識。必遷就其說。以告人曰。我某某編輯也。我某某主筆也。若炫耀其頭銜也。者。又若舉世苟聞其編輯主筆之名。則無不稽首皈依。一任鬻割者。悲夫。悲夫。推是心也。可以盜賊。可以狗彘。可以詐騙人之財帛。可以

以顛倒事之黑白。遂使世之咎是人者。乃相與兼咎報紙。嗚呼。使報紙而能言。則有不疾痛慘怛呼冤不置也。哉。熱心之士。不常得而所得多。此輩亦吾國報紙之陋。耶。宜稍知自好者。欲焚筆硯。不屑鬱鬱久居此也。報紙不能自成。而人成之。而成報紙之人。苟盡如是。人則可以滅絕。報紙之種類。不使留一影響于大地之上。則吾僅僅謂其無益者。蓋不忍斥言之。斯道猶恕道也。胡子少拙。去年組織商務日報。不半載而亡。其亡之原因。未必盡如我之所言。然而少拙獨拳拳三致意焉。作詩以紀其事。徧徵當世題詠。余亦次其元韻。且重譏其贅少拙。君子也不以爲忤。復再三索吾序。吾亦何以序少拙哉。舉吾與或人問答之辭。以告少拙。并使世之担任報務者。苟默察所交遊者。有是人焉。宜斥之。逐之。殺之火之。報紙猶貞女也。一爲惡人所玷。則其恥傾西江之水。不能灌。吾豈仇若人哉。吾所以保全吾報紙也。既保全矣。猶不敢曰。卽能改良風俗。監督政府。提倡民氣也。其庶幾乎其庶。

幾乎。反是。則報紙必亡。商務日報者。蓋已先驅狐狸于地下矣。

寄張賡廷

賡廷賢弟。分手前夕。囑我致書。拳拳之情。銘篆肺腑。願以筆硯粗具。離緒惱人。斗
換星移。忽將寒食。春燈欲燼。苦茶不溫。回憶舊歡。如夢如寐。兩行旅淚。十載相思。
下筆已蕪。欲吐又茹。然以足下解人。當復共此沈痛。請略而言之。夫交遊之地。不
乏面朋。而聲氣之投。必求知已。況以客窗孤寂。感戀故人。言以摯而不覺其已哀。
情以專而遂不容其泛譽。足下其笑而諾焉。憶昔聯床聽雨。隔院分春。綠酒半酣。
遂發狂論。素月初上。交敷幽襟。曉浥露而種花。夜并歸而叩戶。堂上既敦子姪之
誼。閨中亦聯姊妹之歡。感愛之懷。有逾骨肉。迨後燕別。尋巢鶯重。擇木踪跡稍闕。
談笑遂疏。然猶宴設春風。座無車公。不樂燈挑。秋雨楊爲孺子。而懸此種風懷。境
過愈戀。若夫爲我功名。重勞嘯拂。雖惠而不費。而感更逾恆。何也。鮑叔分金。同在

艱。難。之。地。王。熙。贈。帛。別。深。賞。識。之。情。縱。施。之。者。口。不。言。功。而。受。之。者。德。終。銘。版。殆
所。謂。中。心。藏。之。何。日。忘。之。者。與。閱。一。年。劣。弟。粗。暴。忽。起。忿。爭。其。時。我。適。贅。齊。勢。成。
隔。越。既。風。聞。之。未。確。更。月。旦。之。無。從。不。圖。遷。怒。阿。兄。責。其。坐。視。遂。避。尹。邢。于。道。路。
乏。酬。答。于。寒。暄。總。角。之。交。頓。成。冰。炭。閒。居。自。訟。怨。艾。彌。殷。此。可。指。天。日。以。自。盟。非。
故。爲。此。欺。人。語。也。嗟。嗟。唯。苦。樂。之。同。境。乃。易。知。心。當。編。旅。以。懷。人。更。深。悲。痛。足。下。
故。園。無。恙。我。別。秋。風。者。七。年。異。鄉。多。愁。共。看。明。月。于。兩。地。苟。能。寬。已。往。之。愆。遂。如。
初。之。好。迢。迢。江。漢。願。常。傳。魚。消。雁。息。之。賤。落。落。苔。岑。再。重。訂。鼓。瑟。吹。笙。之。雅。竊。不。
禁。禱。祝。盼。之。焉。春。飈。多。厲。珍。重。爲。佳。意。不。罄。言。別。成。短。律。漳。上。

復張賡廷

賡。廷。賢。弟。奉。書。之。後。常。若。惴。惴。竊。慮。私。悃。不。蒙。亮。督。區。區。之。心。永。無。復。白。引。領。東。
望。不。啻。雲。霓。乃。蒙。惠。札。詞。意。懇。摯。剖。肝。瀝。胆。昭。如。日。星。且。承。眷。愛。慰。詢。至。再。喜。極。

欲躍轉復涕零。浣誦百周。固直視爲剖符。不當尋常尺牘看也。嗟乎。賡廷前事已矣。所謂君固不當。臣亦有罪。雲煙磨盪。無復渣滓。倘有貳言。鬼神實鑒。舍弟雖愚。亦復爽直。當復函告。引爲大快。泠泠素琴。改絃彌響。螢螢皓月。除障愈明。允當矢此寸心。更期白首極罄歡好。來補蹉跎。賡廷賡廷。其許我否。睽隔以來。雖居同城。杳若千里。交如爾我。能不痛心。是以每遇故人。輒詢境况。略知馮驩淪落。難以爲家。范叔單寒。更無贈縞。往往輟箸興歎。把酒問天。憐己憐卿。聲淚交下。此人所共見。非僕妄言也。雖原大夫貧而非病。陶處士樂以消憂。外物儻來何足相累。然蕭蕭白髮。或缺旨甘。落落紅閨。常使蓬首。丈夫自顧。能母慨然。後又聞仲元好學。拾葉代簡。朱詹嗜書。吞紙實腹。堅忍卓絕。馳騁古儒。緬想音塵。並復傾倒。近果詞源。倒瀉細流。讓塗筆鋒。橫摧餘子。辟易固知良馬。終遇孫陽。豈有青萍不逢蔣燭。名者實之歸。修者德之符。益願從此下帷。勵精鑽蠹。安見吐氣揚眉之地。不在窮經。

研史之中。此後問難析疑。尙乞不我遐棄。僕有重望焉。僕才慚襪線。學復荒蕪。當時綠慘少年。此日青氈老大。飢來驅我。憂更傷人。閒雲豈樂出岑。小草本無遠志。徒以薦蘿附柏。忝爲同姓。懿親桃李在門。又是傳經舊弟。蒲帆西上。蟾月兩圓。而平昔工愁。况當旅坐。生來善病。那更殘春。莽莽荒城。迢迢漢水。常抱登樓之感。慚尋解佩之遺。綺語旣屏。而不談浪游。更引以爲戒。徒復魂銷杜宇。游子懷鄉。腸斷落花故交。在抱執筆。至此猶有憾焉。交誼如鼎。臣君之所知也。僕將出而無贈。別之詞。僕旣出更乏寸緘之報。瓊瑤投贈。乃若兼金。總角交情。儼同陌路。前日蕩成短句。聊當拋磚采之。芷蘭不嫌猥褻。天涯鴻雁。當有書來。聊告執事。想當同歎。梅炎藻夏。秋風易生。僕擬其時。遄歸省視。團圓人月。代婦畫眉。料理蕪鱸。與君把臂。平原痛飲。十日爲期。劍南聯床。五夜情話。言念及此。逸興遄飛。所貢詩章。尙乞賜教。雖詞賦小道。壯夫不爲。而結習難忘。我輩故態。永懷耿耿。更綴長言。

東顏靖侯

靖侯足下。日前接足下條例。大旨重在致知力行。誠甚善也。雖然其中尙有關於入手之學。而足下遺之者。謹略陳之。足下謂通鑑爲中學根柢。而獨不及經。夫我輩誤于帖括。雖略讀五經。多以爲不急于用。而置之。古人有言曰。通經所以達用。漢人則以經學制事。况國家經史。并重使目前。五經均未博覽。則一題到手。必有捫黑嚙語之誚。是則五經義經解之。不可不習也。足下謂策則專試外洋政治。則大不然。中國政治。未必了了。猶之舍室中之事。一概不問。而瑣瑣代居。鄰料理家務。則必茫無頭緒。愚意每七日中。以二論一策爲率。論則一經一史。策則或中或西。作成互相傳看。不訂甲乙。何人命題。則此題諸作。均存命題者之處。其中瑕瑜如屬知己。不妨有所可否。惟宜屏去一切私心。一切吝見。去私心者。不以我之長。誚人之短。有可以明白坦示之處。不必顧慮含糊。愛惜情面。流入市井交涉氣象。

去吝見者。我有得解之處。不可自矜出處奇祕。不以告人。或有新書藏之。筐篋以爲兔園冊子之用。須知此課本係同志互相砥礪。無名無利。不事爭競。卽不判短長。至于按日日記。有疑義在本人自宜詢問。似局外無庸越俎調查。何也。此時用功。惟恃一己。卽使棄而不作。作而不善。亦誰從而督責者。倘思捷足必事埋頭。如三五相聚。必每人各攜日記一本。獨不嫌累贅乎。言必求其可行。此條似宜刪去。罰茶之款。宜視其諸作。果有大謬不然之處。文以事論。不以理論。蓋理則人人各有一理事。則難保無秦尾漢頭之舛錯。宜古背今之荒謬。藉彼此之齒牙。辨文章之涇渭。且可以小聚一堂。以資談論。而受罰者亦宜屏去。吟哇不落形迹。僕近來日日繙閱經史。覺空如亂麻。未有條理。昨蒙來示。以鄙人之齒長。作老馬之先聲。本意俟稍有心得。始敢發揮。擬遲至秋節過後。再抒議說。又恐足下加以今日不學。尙有來日。今年不學。尙有來年。之誚。用敢就足下所議之款。略加潤色。仍祈惠

而教之幸甚。

烹阿封卽墨論

客有造廬而謁于李子者曰。天下事有似是而實非。矯枉而過正者。請得與吾子辨之。今夫黜陟者。人主之大柄。當與天下共之。使明知我意之所在。而爲所陟者。曰。吾必當如是。爲所黜者。曰。吾本不當如是。則雖殺之。而亦無所怨者也。春秋而降。世道亦波靡極矣。廉者百不一。貪者什有九。齊威王果有志振作。當令于國中。有能治其邑者。寡人與衆賞之。有不能治其邑。而厚幣事吾左右。以求譽者。寡人與衆棄之。如有不奉令承教者乎。而乃用其私智。矜爲明察。雷霆之威。不及掩耳。芒刃之刺。乃在夢寐。是何異不戒視成。不教而殺。唐太宗密使左右試賂臣下。而裴矩謂其陷人于法。蓋一國之君。當使人奉吾之法。不當伺人之過。且威王必嘗信左右之毀。而毀乃月至。必嘗信左右之譽。而譽乃日至。亦幸而使人視之。能

得其情耳。萬一所使之人。是左右之類。則必有封非所封。烹非所烹者。古聖王。惟以正色而率下。而不好爲驚世駭俗之政者。此也。蓋當時以雜霜相尙。威王此舉。能快一時之耳目。而不足爲萬世馭臣下之法也。李子曰。客之論誠至矣。美矣。毋乃非善善從長之意。與。且考古者。苟能取古人之法。以適于用。雖在當時。未爲盡善。猶當增損而變通之。必繩之以王道。苛之以刻論。則今日之弊。有遠不及古人者。直將因噎而廢食矣。古之諸侯。地不足百里。猶今之一縣令耳。卽國大如齊。亦不過今之一省會耳。耳目易周。訪察易及。其視阿與卽墨。猶今之督撫藩臬。視府縣耳。今之督撫藩臬。亦似矯威王之行。不肯察察以爲明。而願汝汝以徇俗循例。而升遷限格而補授。三載考績。第屬虛文。一邑安危。置之膜外。甚至苞苴私納。遂考上中。請托公行。顧惜情面。大人之左右。少者兄之長者翁之。登諸荐牘。則親信爲之吹噓。挂諸彈章。則幕府報其睚眦。而儼然操黜陟之權者。唯左右之心腹是。

寄唯左右之言語是聽。非不知其弊也。養尊處優。勢在則然也。于是爲阿大夫者。橫行而無忌。爲卽墨大夫者。亦以無所激勸。而漸墮其操守。卽有一二清節自厲。始終不移。則且相與排擠之。攘斥之。而後快。縣令不肖。而爲之吏。爲之差。爲之役者。亦愈不肖。是散千萬虎狼于世。以食吾民也。千萬虎狼而食吾民。有不相聚。爲盜而起。外人之非笑也哉。以是治國。吾未見其能治也。彼高居督撫藩臬之任者。爲國理財。爲國練兵。爲國辦理工務。辦理交涉。一省之府。若是其多也。一府之縣。若是其遠也。相公大忙。誠不暇瑣瑣及是。竊謂國家當選新進。有爲之士。授以節鉞。巡守天下。分別賢不肖。有司而黜陟之。新進則聲氣尙少。有爲則鋒銳未衰。雖未大治。其庶幾也。客慎無過責古人。而反爲今之在上者之口實也。

涵秋榮哀錄

(壽州李警衆編輯)

先兄涵秋事略

弟鏡安筆述

先兄涵秋。生有宿慧。成童時。下筆爲文。便不假思索。洋洋洒洒。立成千餘言。鄉先輩咸以大器目之。弱冠入邑庠。旋食廩餼。實則先兄不長於帖括。而長於古文詞。章之學。惟性情恬淡。無志進取。後由李石泉觀察。招之入鄂。當道中。如貴陽。陳筱石。直隸。高澤。畬。奇其才。爭欲羅致幕下。先兄輒婉言謝絕。以爲一人。政界有如素質之衣。便染成皂色。雖再掬水洗濯。恐不能還我本來面目矣。清末。倦遊回里。任兩淮高等小學教授。光復後。又兼任省立第五師範教授。課餘之暇。益盡力以從事于著作。所撰說部。不下數十種。類皆有功於社會。因是大江南北。聲名洋溢。然先兄仍不敢自矜謙。搆如故。門下弟子。數年來造就者不少。終以體質素弱。遂辭

去兩校教務。注重撰述。爲新聞報快活林。作說部幾十年矣。前年張君岱衫。讀先兄所撰廣陵潮說部。目爲天才。曾由都函聘入幕。先兄感其知己。奮然欲往。適閣潮掀起。未果行。其時狄君楚卿。復延先兄爲小時報編輯主任。先兄以楚卿有文字之誼。情不可却。乃不北而南。担任編輯約一年。去秋返里。無心再出。除每日撰述一二小時外。以花鳥自娛。暇復靜坐。較之在外。精神尤健。先兄嘗語鏡安曰。我輩手無斧柯。雖不能澄清國政。然有一枝筆在。亦可以改良社會。喚醒人民。汝其于撰述上。悉心研究。切勿輕視。不料言猶在耳。而先兄之音容。已不可復覩矣。先兄晚年。篤于手足之誼。一日不見。鏡安卽一日不樂。每夕必陪其暢談。兩句鐘之久。五月十三夕。〔卽陰歷三月二十八日〕。鏡安有事外出。詎意先兄于談笑之次。忽氣閉不起。及鏡安聞耗奔歸。施救業已無及。視殮甫畢。特將先兄事略。謹綴數言。刊諸報端。伏乞海內文豪。賜以哀輓。不勝榮幸之至。

祭文

南海羅五洲

維中華民國十二年。歲次昭陽大淵獻季春之月。南海羅五洲。謹率香港中國文學研究社各職員。暨全體函授學生。以清酒庶饒。致祭于李涵秋先生之靈。曰。嗚呼。天道渺而難知兮。孰叩帝閭而問之。誕英才而匪易兮。必有所爲而生。斯觀周之申及甫兮。乃爲周之楨幹。伊先生之英多兮。足起斯文之凋喪。童髻已巋歧兮。弱冠好弄。夫柔翰磊落。以使才兮。吐光芒而萬丈。鄙舉業不足爲兮。獨覃研于古文。窮年兀兀。以潛修兮。不求名位之升聞。不與時俗俯仰兮。矯矯鶴立而不羣。不與雞鶩爭食兮。惟娛志以典墳。比潔德于白雪兮。抗高節乎青雲。著述等身兮。以詩文而鼓吹。欲以其道易天下兮。挽頽風之將墜。秉春秋之筆。權兮。刻畫社會之鬼魅。讀廣陵潮之說部兮。允一字而一淚。大聲以喚國魂兮。爲搗礪之鼓。爲痛哭之賈生兮。爲慷慨之國父。爲經世文字之亭林兮。爲傷時詩歌之杜甫。主文誦。

諫。兮。微。詞。婉。諷。雖。滑。稽。以。玩。世。兮。談。言。微。中。君。房。言。語。妙。天。下。兮。鏘。鏘。若。朝。陽。之。
鳴。鳳。眇。先。生。之。大。筆。兮。天。生。是。豈。無。故。斧。柯。縱。其。未。假。兮。弗。顯。揚。于。當。路。吾。聞。自。
古。碩。人。兮。多。終。身。于。韋。布。尼。父。固。窮。于。洙。泗。兮。子。輿。牴。牾。于。齊。梁。荀。况。沈。淪。于。蘭。
陵。兮。賤。周。小。吏。以。韜。光。造。物。故。靳。斯。人。以。祿。仕。兮。特。畀。以。壽。世。之。文。章。天。爲。文。化。
而。生。哲。人。兮。皆。賜。以。歲。年。何。先。生。之。獨。異。兮。竟。中。道。而。棄。捐。名。山。之。業。未。終。兮。賈。
長。恨。于。九。泉。天。胡。生。才。復。阨。才。兮。弗。令。克。竟。其。槩。鉛。鳴。呼。先。生。長。已。兮。悲。吾。道。之。
迤。邐。當。凶。問。之。初。傳。兮。忽。文。星。之。弗。耀。痛。又。弱。夫。一。個。兮。後。顧。茫。茫。其。誰。同。調。豈。
天。上。之。造。玉。樓。兮。命。先。生。而。赴。召。不。然。何。奪。吾。先。生。之。促。兮。使。余。心。之。愴。悽。先。生。
一。去。不。復。返。兮。明。春。草。綠。空。萋。萋。况。當。花。落。春。暮。兮。更。何。堪。杜。鵑。之。哀。啼。黯。然。哀。
江。南。兮。惟。雲。樹。之。低。迷。陳。哀。辭。而。致。奠。兮。庶。精。魂。其。來。歸。

嗚呼。天奪我涵秋之速耶。涵秋之盡力于吾報。寧惟吾一人所心折。卽凡讀吾報者。亦靡不樂誦其文。以爲不可須臾離而今竟死耶。涵秋之未死也。嘗爲予言。願謝絕其他一切文字之任務。專從事于吾報之撰述。今其尙可得耶。涵秋之死。耗來于吾前。而吾報揭。藜涵秋之文。猶未見絕于篇幅也。自今以往。其又可復續耶。嗚呼。涵秋其竟死耶。予之知涵秋也。自予承乏大共和日報之日始。每讀其文。所爲廣陵潮小說。輒心儀其人。不置。比其至滬。則與昕夕過從。旣久而益相約。其爲人孤介絕俗。雅不爲時流所喜。顧一與之稔。乃覽其和平溫厚。藹然予人以可親。惡知其竟不壽耶。涵秋年方五十。稱觴介壽之日。過未幾而竟死。其死也以猝病。薰旣懷才不遇。家又苦貧。乃恃鬻文爲生活。畢生心血。實盡於是。又惡得勿速其死耶。予之主任神州日報也。未逾年而汪君寂照死。予痛失一臂。助爲痛哭者累日。今方晶報活躍之時代。又痛失一涵秋。予其何以爲情耶。嗚呼。涵秋死矣。而涵

秋。畢。生。心。血。所。寄。之。文。苟。猶。幸。不。與。俱。死。是。則。涵。秋。之。所。宜。瞑。目。卽。予。哀。涵。秋。之。意。其。亦。可。以。稍。慰。矣。夫。

哀辭

何海鳴

涵秋先生死矣。吾自詩此噩耗。悽惻亘數日不已。吾與先生相識。在前清宣統初年。其時吾初入報界。而先生已以小說蜚聲矣。吾弱冠時。喜爲詩。嘗以詩寄先生。承先生改易數字。刊之漢口公論報。吾甚感先生也。前年吾投稿晶報。先生見之。馳書動問。吾念先生昔年改詩之雅。取所輯海鳴詩存三卷。寄先生。請爲刪校。惜終不能再得先生一言。而先生竟死矣。寧不痛哉。先生于小說界之得名。在廣陵潮說部。此書最初實刊諸漢口公論報。趣報原名過渡鏡。先生善于描寫過渡時代之中國社會論者。亦目先生爲過渡時代之小說家。此過渡鏡之所以爲名著也。吾青社同人。于先生之死。允宜有一番追悼。舉動之表示。現倚虹及煙橋均言。

之矣。吾甚盼此舉之早有辦法。而早于實行也。獨鶴兄以爲何如。

哭涵秋兄

弟鏡安

小時手足老彌親。常向燈前話舊情。不道今番成永訣。我來君已返仙京。
幾度呼兄已不知。可憐腸斷夜深時。癡心猶冀兄回轉。續命偏無一縷絲。
笑談屢問仲方來。一面緣慳命所該。回想此言寓深意。數分鐘便赴泉台。
無端謠詠起紛紜。此事思量替不平。未識阿兄知道否。聊將數語告英靈。
閱世才交五十春。如何談笑便歸真。是誰奪我元方去。殊覺蒼天太不仁。
前年哭妹已心傷。此日悲兄更斷腸。一樹荆花零落盡。從今家事與誰商。
地下相逢小妹時。可言我亦盼歸期。世途艱險人情薄。孤雁行單怯獨飛。

弔李涵秋詩

金煦生

癸亥三月三十日由漢到滬聞李涵秋捐館傷慟之極四月初二日返

漢舟中憑欄望大江因成弔涵秋詩一百句相思顏色不知其涕之從

來也

大江去不回。人壽亦如斯。念子壽命去。心血已盡之。五十非下壽。母乃心血虧。文
人心血多。葬送文與詩。當其一紙出。人稱絕妙辭。豈其絕妙辭。心苦有誰知。靈明
天所生。文人稟賦奇。讀書遺有生。不可無文詞。空言足傳世。寓言匪所思。有時托
風月。曲終含餘悲。許多兒女情。旁人笑。狂癡心思最分明。可惜知者誰。一詩一杯
血。一文血一卮。血盡詩文盡。氣息成一絲。絲斷命亦斷。長與世別離。別離子非苦。
使我心愴而。武昌廿年前。與子同游嬉。文酒時過從。包于皆夙期。丹徒包柚斧
金壇于醉六。世亂各東西。分手在天涯。去年來海上。子已江都歸。及余下揚州。
子又歇浦移。好友聚會難。往往兩相歧。豈是茲番來。正是哭君時。君少余七歲。君
死吾心馳。同是心血人。况吾白盈髭。在昔愛青春。同負貞秀姿。一瞬五十年。傷

美人遲哭君無佳句。江風爲我吹。若有靈魂來子魂。與我依靈魂。不能散。詩魂專在茲。天地無盡時。詩魂時相隨。天地有時盡。詩魂有護持。悠悠天地間。弄人造化兒。江風何冷冷。江水何瀾瀾。江樹何垂垂。江鳥何嬉嬉。遊者如斯夫人壽。僅須彌英雄一浪淘。萬古裏。鷗夷慧業在文人。不隨枯骨壘開卷。讀君篇。閉卷支我頤。君貌清且癯。君神秀如脂。君有江淹筆。花落筆亦遺。君有長吉心。嘔心形自疲。思君千萬端。哭君淚如澌。收淚長嘆息。淚盡復涕洟。天下才人多同此。淚漣洏。情感甚骨肉中懷。恆鬱伊比物。在荃蓀。托體在江籬。留此贈後人。古人情無私。我今作後人。頃刻今人非同此。作古人不悉知者稀。

輓李涵秋詩

于醉六

餞春三月暮。春去君亦去。春去隔一載。君去成千古。回憶廿年前。相逢在鄂渚。武漢雖隔江。風雨常傾注。武昌竟同城。晨夕常把晤。最好花園山。山山如連環。每月

月圓會。雖倦不知還。訂交因文字。規過兼道義。照人出肝胆。通譜若昆季。偶成發
雄談。從不爭名利。時局變滄桑。匆匆回故鄉。故鄉隔咫尺。而乃天一方。轉瞬十餘
年。相思九迴腸。君才誠可慕。慕極翻成妬。頻年惡耗傳。半爲流言誤。及讀煦公詩。
知君去不顧。多才不永年。精靈當在天。君死文不死。何必淚潸然。君家李太白。隻
手難捉月。磯頭賦招隱。魂當歸采石。君家李長吉。修文難下筆。此後得替人。玉樓
更生色。君來不可期。君死當有知。九泉應一笑。笑讀弔君詩。

輓李涵秋詩

李警衆

故國滄桑幾變遷。興亡空仗匹夫肩。煙花三月春光老。憔悴江潭五十年。
一枝秃筆淺深描。半是文妖半字妖。風雨同舟識肝胆。不堪卒讀廣陵潮。

輓李涵秋詩

李逢時

人海茫茫寄此身。却從文字見精神。遼天一鶴歸何處。廿四橋頭水不春。

文。章。憎。命。復。何。求。五。十。年。來。感。白。頭。嘔。盡。心。肝。李。長。吉。二。分。明。月。冷。揚。州。

輓李涵秋詩

吳邦俊

驟。聞。死。耗。驚。疑。半。昨。日。相。逢。豈。夢。中。長。吉。嘔。心。知。不。壽。如。何。絕。筆。太。匆。匆。
依。稀。舊。夢。十。年。前。歡。會。春。餞。社。酒。天。話。到。滄。桑。歌。欲。哭。兩。情。相。感。故。相。憐。
才。長。說。部。姓。名。標。鬼。蜮。人。情。信。筆。描。素。帙。未。終。聲。已。杳。從。今。怕。讀。廣。陵。潮。
年。年。三。月。送。春。歸。亂。紫。零。紅。人。又。違。莫。向。子。規。嘆。啼。血。淚。花。和。墨。悵。斜。暉。

輓涵秋先生

歐陽楚青

綠。楊。城。郭。夜。迢。迢。黯。淡。文。星。慘。不。驕。憤。世。生。涯。餘。說。部。安。貧。心。事。仰。清。標。騷。壇。自。
昔。推。前。輩。椽。筆。而。今。惜。早。凋。最。是。玉。樓。人。去。後。那。堪。重。讀。廣。陵。潮。

輓涵秋

裘醉農

轉。瞬。之。間。迹。已。陳。文。章。前。輩。共。精。神。功。名。天。祿。成。千。古。翰。墨。姻。緣。斷。一。人。珠。玉。無。

時能入目。曇花從此不沾塵。蘭缸欲覓招魂句。未賦先教淚滿巾。

薤露行爲涵秋作

瀾滄逸人

豔藻喧傳快活林。空傷人影鏡中尋。而今響絕廣陵散。血濺紅鴉一片心。
娜嬛一夢小遊仙。腸斷煙花三月天。記否蕭郎題筆後。人間競說衍波牋。
胸中塊壘酒杯澆。玉麈清談嬌六朝。誰似秋娘好風韻。歌殘金縷欲魂銷。
白玉樓成詔敢違。却拋遺稿淚沾衣。二分明月揚州夜。應有英靈跨鶴歸。

輓涵秋

湯公亮

忽聞小說失名家。天地無情萬種譁。如此風懷如此筆。那堪五十了年華。
年少才華迥異羣。亭亭氣概欲凌雲。那知一插芹香後。偏向虞初策大勛。
蓄鳥蒔花頗自娛。也曾飽啖武昌魚。人情世態都參透。寫出驚人說部書。
最知名是廣陵潮。紙貴風行四海遙。堪嘆文人一枝筆。千奇百怪總能描。

舊時文學是專長。師範曾分一瓣香。小別二年。今大去。傷心不獨有。任昉時第五師範任
校長為君高足聞。而大勵舉座皆泣。

卽論詩學亦清新。語有珠璣筆有神。今日心肝却嘔盡。始知長吉是前身。

輓涵秋

鄭碧軒

鳥啼花落暮春天。天上騎鯨悼謫仙。咳玉唾珠才似海。摘妍發伏筆如椽。千秋事業憑毫楮。一世清操守硯田。悵我識荆空有願。祇餘冷淚濕涓涓。

輓涵秋

李伯樵

絕豔驚才筆一枝。朱顏倏改鬢絲絲。檢衣尙漬青春淚。和曲誰歌白雪詞。累亦嘔心成李賀。有時又手學溫歧。教兒入市搜遺稿。莫被雞林賈客知。
生不逢時筆吐花。儘編稗史號專家。相如賦好憑誰買。臣朔才多任自誇。言鬼言狐非我意。繪聲繪影亦生涯。廣陵潮落春無賴。城上啼鴉日又斜。

不。因。青。氈。困。短。檠。怕。提。往。事。柳。耆。卿。離。鸞。雒。浦。驚。鴻。斷。香。夢。羅。浮。化。蝶。輕。肯。爲。落。
花。埋。淨。土。未。因。肺。渴。減。才。情。華。年。錦。瑟。摧。弦。柱。詩。到。無。題。百。感。生。
強。坐。悲。君。意。未。安。入。喉。卷。舌。日。來。難。蠶。因。成。繭。絲。終。縛。麝。爲。研。香。墨。不。乾。蝴。蝶。夢。
回。嫌。夜。短。牡。丹。花。足。怪。春。殘。料。量。我。欲。裁。鵝。絹。綉。出。平。原。與。衆。看。

輓涵秋

李質

欽。韓。已。在。十。年。前。輾。轉。曾。無。一。面。緣。學。子。爭。相。推。白。傅。先。生。原。不。愧。青。蓮。紅。塵。脫。
却。剛。三。月。仙。界。迎。君。返。九。天。痛。哭。臨。風。揮。盡。淚。未。能。達。我。意。拳。拳。
哭。向。天。涯。盡。意。啼。殘。編。羸。得。後。人。題。常。將。冷。語。驚。塵。俗。直。嘔。婆。心。指。世。迷。游。戲。文。
章。留。鑄。鼎。譏。彈。社。會。照。燃。犀。先。生。雖。死。何。曾。死。海。內。名。高。孰。與。齊。

輓涵秋師

受業韓 鈺

課。餘。閱。報。章。驚。悉。吾。師。逝。私。心。劇。悲。傷。猶。疑。誤。傳。耳。馳。書。問。龔。子。始。知。果。如。此。肝。

胆寸欲袋。涕泣不能已。天降此鞠凶。嗟吾梁木圯。憶昔相從時。殷勤道經史。侃侃談詩書。窮究古今理。欲聞警欬聲。而今竟已矣。仰天一長嘆。文章付流水。世業豈無爲。克家有令子。

輓涵秋師

受業王振黃

李師江都人字涵秋著作等身博通今古聲聞遠近更何待小子之贊乎惟小子身受教澤坐春風數載于先生之逝有不能已于言者爰

撰詞一通以誄之誄曰

清風長嘯兮濯足。萬里卓犖羣書兮元毫。比擬人知其文兮未知其志。年僅學易兮豈今遂逝。問天無聲兮拔劍斫地。將喪斯文兮胡生夫子不喪斯文兮夫子已矣。憶昔從遊兮風傳洙泗。心喪三年兮嗟有小子。

輓涵秋師

受業錢貽

春風坐我憶當年。桃李門牆忍棄捐。詩酒半生名士志。文章不讓古人賢。英才教
育梅花嶺。神采猶存歛浦邊。從此講壇瞻拜處。一回低首一悽然。

哭涵秋先生

范煙橋

黃金華髮兩飄蕭。沈寂吟魂未可招。二十四橋明月夜。不堪重讀廣陵潮。
電火繁星擁酒樓。相逢草草未勾留。道場散後人寥落。我不能忘是昨秋。
三十功名成底事。等身著作洵能誇。耗奇僞鎖謚相惜。贏得人哀小說家。

哭涵秋

張紹周

自昔聞人言。涵秋善說部。下筆如奔濤。感人入肺腑。及閱廣陵潮。首尾洵一縷。歷
數君游蹤。鄙生居幕府。攬衣黃鶴樓。懷古長嘯舞。襍被返故鄉。省識教鞭苦。技癢
登文壇。獨把驪珠吐。又攜海上琴。風雅爲盟主。牛耳也足豪。晨夕文星聚。觸目抱
杞憂。籟籟淚如雨。歌哭竟無端。書籍日旁午。長吉錦囊中。理亂經纂組。心血忍嘔

盡一朝悲千古萬丈失光芒。文雄埋黃土哀哉五十秋。逝矣不可親。儒生多窮愁。恨海難填補。鏡中人影篇遺筆誰繼武。我願同調人。登牀將弦撫。

哭涵秋詞（調寄瀟湘曲）

哈蓉村

涵秋身故累欲作詩哭之而人事卒卒忽已逾月因思曩偶倚聲輒為所賞爰作此解亦孫于荆作驢鳴之意也焚之靈前魂今有知常亦惋

悼

慕思量傷春留識匆匆天上歸去。光緒壬寅君有皖江之役予遂行詩云春光未去君先去冀待春歸君且歸今果以三月廿八日卒也落花

無主紅成淚消得沁香何處。君署其齋曰沁香閣蕙杜宇數二十年來把臂殷勤話。予和亂仙詩君見之曰可

與子也臂入林蓮甘蕙苦有皖江閒愁楚江離夢。昔君客鄂皖與予書報甚勤唱酬而外珍珠密字不嫌親縷鐫恨在詩

句。思年少玉貌翩翩爾汝。君贈詩云有手姿不在郎君下鏡中人影孤負相攜共惜風塵老不

是舊時張緒。歲辛酉予以病歸君睨之曰無復張緒當年春不住究未應春煙一散先黃土遺編哭撫算

涵秋榮哀錄

涵秋榮哀錄

到。死。文。蠶。而。今。絲。盡。魂。也。涕。如。雨。

挽涵秋詞

道。德。文。章。絕。倒。歎。歸。天。偏。早。如。此。收。場。彼。蒼。其。草。草。
來。愁。多。少。熱。淚。滿。腔。爲。先。生。洒。了。

王白天
仙去音容渺杳消息傳

穆湘瑤聯

自。有。文。章。驚。海。內。
卽。今。簫。鼓。罷。揚。州。

孫癯媛聯

一。嘆。竟。長。辭。可。憐。鬢。髮。蕭。然。隔。歲。相。逢。渾。已。老。
萬。言。空。日。試。省。識。心。肝。嘔。盡。虛。名。誤。賺。不。如。歸。

胡寄塵聯

自陶淵明乞食以來看他許多人。有幾個亮節高風。堪稱文丐。願李長吉修文之暇。憑此一枝筆。將那些邪神小鬼。寫入君書。

如弟貢少芹聯

君。霎。時。遄。返。道。山。便。可。算。此。生。已。了。
我。何。日。脫。離。苦。海。也。只。怕。除。死。方。休。

遂安王誠齋聯

知君近十年。方領樹幟文壇。音塵遽渺。
平生未一面。豈留名言說部。警欬如聞。

張丹斧聯

小說海內三名家。北存林。畏廬。南存包。天笑。
延譽平生兩知己。前有錢芥塵。後有余。大雄。

王西神聯

下筆。嘔心。肝。竟。憂。傷。憔悴。以。終。騎鶴。人。還。思。水。部。
論文。異。面。目。極。嬉。酣。淋漓。之。致。談。龍。吾。欲。起。漁。洋。

錢瑞生聯

舌。底。生。蓮。花。嘔。出。心。肝。前。身。恐。是。李。長。吉。
目。中。無。餘。子。由。他。笑。罵。傷。時。不。讓。孔。雲。亭。

陳崧年聯

賈。傅。才。李。廣。數。阮。籍。窮。途。長。吉。壽。算。自。古。如。斯。歷。舉。古。人。同。一。哭。
大。雅。儒。風。流。士。文。場。健。將。騷。壇。盟。主。而。今。已。矣。僅。存。遺。集。著。千。秋。

吳靖瀾聯

以。一。枝。筆。描。寫。妖。魔。盡。相。窮。形。直。抵。得。溫。嶠。燃。犀。神。禹。鑄。鼎。

登廿四橋。愴懷良友。人非物是。最難忘。鄂城載酒。歇浦看花。

莊樹聲聯

風塵社會。面目改觀。經妙筆寫真。絕調竟成廣陵散。
錦繡文章。心肝嘔出痛。天公奪好。舉世誰如長吉才。

程瞻廬聯

擲筆去。人間鏡破。秦宮犀亡。牛渚照妖燭。怪兩不足。憑魔窟。正歌呼羣魅。欣然而喜矣。

著書盈海內。花開戰地。潮湧廣陵。絕豔驚才。都無與匹。神州何慘澹。衆論怒焉。以傷之。

莊啓傳聯

叔夜云亡。此曲竟成廣陵散。

謫仙不死。餘光猶作長庚星。

薛伯龍聯

誰拔爾抑塞磊落奇才。最心傷大陸。隨沉拚將禿筆。儘傳神喚醒。四百兆斯人夢。

君本爲慷慨悲歌之士。欲手挽狂瀾。旣到堪嘆廣陵成絕調。寄申三千里逝水滔。

劉葆儒聯

與其合汚。不如早世。
旣已聞道。何必大年。

李道升聯

名下本無虛。公自千秋。豈獨清風存海內。

雄才多不壽。我爲一哭空留遺墨在人間。

瞿梅閣聯

願望仰平生。想才調超羣。自有文章能壽世。
仙游傳一日。悵音容長杳。頓教戚里起悲歌。

哈蓉村聯

詩酒屬吾曹。記少年丰采。相高輒不忘。春柳王慕秋。尊張翰。
文章驚海內。到此日心肝。嘔盡未免痛。香煎龔勝芻。致林宗。

黃鼎鏡聯

等身著作成一家。言下筆比春鸞。賀老嘔心留贍墨。
婪尾光陰剛三月。暮催歸驚杜宇。笠翁名手失傳人。

伍星台聯

惜別幾何時。人事無常。竟使傷心成永訣。
立言已不朽。文章有價。那堪和淚讀遺篇。

李伯樵聯

言。論。高。不。可。扳。自。擲。管。爲。文。至。名。滿。海。內。一。般。社。會。大。都。想。望。風。儀。叔。寶。神。清。被。
人。看。殺。陳。思。才。健。令。我。低。頭。墨。瀋。貴。如。金。太。史。六。家。存。小。說。
心。血。料。應。用。盡。每。遇。談。促。膝。便。道。及。生。平。五。十。年。華。強。半。消。磨。筆。札。安。仁。鬢。髮。最。
易。成。絲。季。重。愁。懷。未。容。養。病。屋。梁。驚。落。月。杜。陵。何。處。覓。神。交。

弟鏡安聯

海。內。盡。知。名。喜。身。後。文。章。永。垂。不。朽。
剎。那。驚。棄。世。痛。老。來。手。足。再。見。無。期。

內弟戴晉彝聯

談笑便歸真。喜家中還有賢。郎畢竟箕裘。矜克紹。
薦蘿慚附托。倘地下相逢。亡婦道言兒女。尙如常。

黃養之聯

數日未逢。君噩耗傳。來競道修文歸嶽。府
一朝偏棄我。遺容莫覩。只留著說在人間。

振亞聯

壯歲多才。鸞鶴羣中振奇彩。
暮春三月。鷓鴣聲裏悵斯人。

又

士不虛生。如我公斯無愧色。
沒可祭社。數茲世能有幾人。

又

未竟壯懷。君在九泉當抱恨。
無雙才調。我悲社會失斯人。

又

新界潮流摧砥柱。
老成風度邈雲山。

胡仲明聯

學同門。居同里。卅年餘。昕夕相依。往事怕重提。回首都教成幻夢。
兒失怙。弟失兄。一霎時。人天永隔。宏文今尚在。傷心不忍讀遺編。

胡耀之聯

生平老友。君是知交。無如異地相違。噩耗傳來。不獲趨前親弔唁。

作述大家。名垂夷夏。可惜著書未竟。玉樓赴召。應悲當代失才人。

馬禹九聯

竟懷才未遇。竟無疾以終。生有自來。太白星又歸天上。
是小說名家。是文壇健將。死而不朽。廣陵潮猶在人間。

親家王孝和聯

文章滿腹。著作等身。才與壽相妨。報道君歸仙島去。
婚嫁牽腸。繁華過眼。病因愁不起。那堪兒哭泰山頽。

子婿茆玉書聯

撫摩幼子。保抱童孫。正歡聚共樂晨昏。想公豈忍赴重泉而去。
几席生塵。琴書減色。緬音容徒勞魂夢。愧我不能盡半子之情。

丹陽魏有譽聯

半生學海富才華。聚兩間磅礴精英。鍾毓在揚州。清氣得二分。明月。畢世名山宏著作。勝數卷稗官野史。流傳徧寰宇。靈光失一代文星。

宿遷商彝聯

先生果何之。幸手著猶存。有奇作長留天地。

小子安所仰。悵音容未見。傾熱淚徧洒江淮。

黃月波聯

覷得透潮流溷濁。莫可沾濡。持畢世清操。謝却物外因緣。養性著書。好與乾坤留正氣。

喚不醒社會癡頑。如何警覺。借一枝妙筆。描寫個中情事。禍淫福善。但憑文字寓微權。

趙聿修聯

三閱月。兩度登堂前。賀公壽。今弔公喪。看來悲喜無常。萬事洵如鏡中影。不崇朝。徧傳噩耗。既信其真。復疑其假。從此人天永隔。千秋空唱廣陵潮。

林小圃聯

二十年故交。文會詩壇稱健者。
一剎那永別。報章說部失靈魂。

方沆聯

嬉怒文章。宏著六經當代重。
笑談俄頃。歸神如是幾生修。

嚴良灝王維楨聯

道範猶存。蜀嶺梅花沾化雨。
音容頓寂。廣陵流水咽寒潮。

戴冠瀛聯

海內書傳犀照水。

筵前曲罷鶴獅雲。

親家周鼎臣聯

海內嘆奇才。羨我公著作等身。嘻笑怒罵皆文章。歷年辛苦。嘔盡心肝。至今囊橐。蕭然斷簡殘編。成絕筆。

病中聞噩耗。念吾輩訂盟總角。朋友婚姻聯世好。往事思量。都成夢幻。從此人琴。杳矣。高山流水。少知音。

卞斌孫聯

長吉嘔心肝而死。

謫仙本太白之精。

劉建三聯

小說大文章。雅俗共賞。
長才短壽算。今古同悲。

世侄周湘亭聯

天祿閣已早蜚聲。難忘壇坫主盟。拙著采藏憑哲丈。
廣陵潮從茲絕筆。莫問風花誰管。鴻文煊赫壽名山。

公魯聯

一死真成鏡中影。

三春怕聽廣陵潮。

楊敏聯

明月揚州天末望。歸華表鶴。

涵秋榮哀錄

橫流。滄海。筆端。終有。太真。犀。

郭堅忍聯

生。死。問。天。難。賦。鵬。同。嗟。曠。代。終。虛。前。席。對。
文。章。憎。命。達。駘。鯨。遽。去。淒。聲。常。咽。廣。陵。潮。

朱海中聯

從。數。十。年。前。過。眼。雲。煙。飽。看。海。內。無。窮。劫。
愴。懷。三。月。暮。等。身。著。作。享。盡。人。間。不。世。名。

朱掖臣聯

品。高。叔。度。名。重。長。卿。斯。文。千。古。斯。人。千。古。
松。菊。猶。存。衣。裳。弗。洩。我。悲。先。生。我。憶。先。生。

曹傳霖聯

長吉嘔苦心于今。致慨人琴遺墨空。留鏡中影。
青蓮燦妙舌。此後爲焚筆硯。淒聲常咽。廣陵潮。

林森孔愚聯

說部我曾看。今後文章成絕著。
儒林天不負。堦前蘭桂有奇芬。

于醉六聯

以五色筆放萬丈光芒。領異標新能教他天地。驚心鬼神痛哭。
于十年前通兩人氣誼。由今溯昔說不盡公私。變局生死離情。

許幼樵聯

訂金石交。結文字緣。卅載神交空谷詠。
兒女情長。英雄氣短。一聲嗚咽廣陵潮。

顧蘭蓀聯

是陶淵明林和靖一流人。千古才華同此慨。
做金聖嘆施耐菴那些事。半生際遇已堪憐。

賈存銓聯

憶昔年暢叙高談。藉杯酒論文及時行樂。
今而後幽冥隔閩。讀遺編散帙掩卷興悲。

陶邴禾聯

先生爲當代文豪。下筆千言。常以游戲得之。惜造物忌才。報道一聲歸去也。
哲嗣是同儕優秀。長風萬里。意其指顧間耳。詎大椿忽謝。未酬罔極痛何如。

江都縣公立第三小學校全體學生聯

哲嗣品重南金。幸函丈追隨。景仰名山親矩矱。

耆德望隆北斗。慟音容遽隔。徒以梓里溯師傳。

汪龍標聯

憶昔春申聚首。知己談心。羨君筆底生花。善寫炎涼真世態。
卽今雲樹相思。人琴遽杳。檢我案頭遺藁。已無懲勸大文章。

楊佑生聯

賴有文名傳小說。

奚無師表在人間。

沈廷衡聯

人間已絕董狐筆。

天上重修李賀樓。

梁德衡聯

酒秋榮哀錄

三六

寓。褒。貶。于。嬉。笑。怒。罵。之。中。皮。裏。陽。秋。是。東。方。朔。淳。于。髡。一。類。
隔。生。死。在。頃。刻。曇。幻。以。內。士。林。悲。悼。如。陶。彭。澤。吳。草。廬。二。人。

吳梓培聯

與吾弟如昆季。同享五十歲。猝病身亡。可知宦途飄泊。牖下沉埋。總是孽海浮萍。
畢竟文人多命簿。

惟閱報諸名公。祇在一霎時。消除眼福。此後兒女癡情。社會現狀。誰爲生花妙筆。
描摹怪狀到毫顛。

安徽段守拙山人聯

第一流小說大家。詼諧戲謔。著爲文章。褒貶繼春秋。未及獲麟。彷彿尼山傷絕筆。
豈百年有生無死。談笑從容。脫離塵世。逍遙游島窟。可能化鶴。歸依華表作飛仙。

魏松貞聯

擅自由筆一枝。改良社會。喚醒人民。茲君絕筆何居。想必是白玉樓成。上天作賦。遺文明書數種。望重士林。風行海內。使我觀書有感。曾未得青蓮苗裔。傾蓋訂交。

朱軼塵聯

絕學繼虞初。直道無慙。南董筆。
霎時醒大夢。歸魂空逐。廣陵潮。

南海羅五洲聯

英名動當路。文譽著神州。舉世屬望。方殷君竟歸休。手澤滿家。書卷
辰巳逢歲星子卯。丁忌日斯人太息。長往我來。憑弔魂消。三月煙花。

龐獨笑聯

寫社會窮魑魅魍魎之形。多君能續虞初志。
觀人生與夢幻泡影相。似令我一誦涅槃經。

酒秋榮哀錄

柳率初聯

譎諫主文公真健者
歌離弔遠僕本恨人

蘄水陳靈根聯

世皆濁君獨清從茲君赴玉樓鉅製鴻篇又添健筆
不自由毋寧死此後追尋芳浦高談雄辯烏有先生

受業王仲屏聯

風流儒雅今我師誰歷數古人同一吳
學問文章如公有幾僅存遺集著千秋

受業任桂芳聯

聲價仰龍門手筆千秋真是文章作遊戲

絃歌沉馬帳。心喪三載。那堪山木痛崩頽。

受業劉樂漁聯

坐我春風爲誦鬚。眉親馬帳。泥人冷月迴思。警欬慘鱸堂。

受業陳鐸李希壽聯

以生花妙筆著範儒林。化雨昔曾沾。長吉心肝都嘔盡。留盈篋遺書傳經子舍。餘風今未替。元方昆季各成名。

受業沈家驥聯

非著兩列門牆。溯從衆蘊析蒙。訓迪有加。談笑音容如昨日。文章縱非經世。卽此冷嘲熱諷。箴規殊俗。詼諧著作自千秋。

受業殷崙旻李宗義聯

小說大家。古文宗匠。

暮春三月。一夕千秋。

受業石淮任藻聯

德業永垂。聲聞中外。

師恩未報。痛徹心脾。

受業丁昭敬符傅霖袁桐聯

立德惟言。覺人覺世。

燃犀有筆。燭奸燭邪。

受業蔣寶璋聯

憂傷人貧更傷人孤憤滿腔治生無計慟此日遺文在篋桃李興悲嗚咽忍聽揚
子水。

身。可。沒。志。不。可。沒。心。肝。嘔。盡。氣。節。常。留。憶。曩。時。秉。筆。著。書。權。奸。斂。迹。猗。歟。誰。續。廣。陵。潮。

受業詹燾聯

道。範。領。承。歷。十。數。載。光。陰。猶。憶。程。門。立。雪。
噩。音。驟。至。歎。廿。四。橋。風。景。徒。深。稷。下。望。雲。

受業季士偉聯

數。仞。空。牆。未。窺。美。富。
千。秋。像。贊。共。仰。清。高。

受業張世俊聯

藝。苑。富。才。華。立。德。立。言。絳。帳。當。年。沾。化。雨。
杏。壇。宏。教。育。且。仁。且。智。青。蓮。後。世。繼。英。聲。

受業任訥聯

世人不醒。文字不靈。
投筆而起。撒手而去。

受業李徐俊聯

做吾儒。切實工夫。朝無諫草。家有賢書。千古清名。光竹簡。
仗大帝慈悲。指示公應。騎箕我傷。陟岵一時。血淚洒葭李。

受業吳詵之聯

公爲長吉。後身嘔盡心肝。渾不覺。
我亦謫仙。弟子欲承衣鉢。愧無能。

受業潘秉文李宗晟趙作仁聯

才與名俱。妙手成章。多醒世。

人。隨。春。去。傷。心。殘。雪。尙。留。門。

江都市鄉公報同人聯

曠代卽仙才。此去定成玉樓紀。
餘事作說部。從今怕讀廣陵潮。

受業陳楚三聯

一代文宗私淑衆。
千秋事業笑談中。

受業龔祥鳳文

習之文。陽冰書。思訓畫。太白詩。千古奇才獨鍾李氏。
永叔像。道鄰墓。昭明樓。沁香閣。名人勝蹟多在揚州。

受業潘謙聯

滿秋榮哀錄

平生一瓣香。恨杜牧來遲。尊酒細論。慳素願。
文章千古事。數笠翁而後。中原獨步。屬何人。

受業任誠聯

談笑露文章。一生馥。麟風塵。幾見與。豎子爭微名。爲王公。損大節。
年光忽遲暮。此日愴懷雲。誼端合。率門徒。輟絃誦。共弟妹。服心喪。

百新書店經售


總分電 店店話 上海四馬路中 九四七二號

上海圖書館藏書



A541 212 0015 2281B

中華民國十六年十月初版



版權所有 翻印必究

著者 校訂者 出版者 印刷者 總發行 分發行 代發行

涵秋遺著

沁香閣詩集

全四冊

定價大洋一元二角

李 涵 秋

李 警 衆

朱 挹 芬

青島路西福海里二弄一四五號

上海震亞圖書局印刷所

青島路西福海里二弄一五二號

上海震亞圖書局發行所

棋盤街交通路口九十八號

上海新民圖書館發行所

各省中華書局 各省書局

▲▲諸君……

天天希望之……

廣陵潮

一至八集 再版出齊

九至十集 現已出版

一 廣陵潮是涵秋的傑作……

涵秋先生著作等身惟廣陵潮為第一部創作故眼光四射精神獨注借筆墨閑情寫胸中塊磊為他書所萬不能及

一 廣陵潮是社會的寫真……

一部廣陵潮中所收事實變化萬狀妙趣環生對於上中下三種社會人物寫其情節無不繪聲繪色惟妙惟肖筆底如生龍活虎至

一 廣陵潮是揚州的裨史……

廣陵潮全書的材料均為揚州事實以一字為線索便成絕妙文章故與理想的小說時有越出情狀事理之外者高出萬倍

一 廣陵潮是消閑的妙品……

廣陵潮的文章有情史有趣史有俠史有醜史有陳腐的儒士有多情的兒女有奸詐的市僧有無賴的逆子有解放的文明女士有賢淑的守禮夫人情節奇離文章變化包羅萬象無所不有每於茶餘酒後舟車旅行得此一編可免憂愁沉寂之苦

定價

一至四集 每集大洋四角
五至十集 每集大洋八角
一至十集 全部大洋六元四角

購全部者送贈

涵秋遺像
普通紙盒

本局另有特製布套分裝上下兩函定價大洋兩角

總發上青島

路中 長亞圖書局 謹